

四庫全書

子部

欽定四庫全書

子部

玉海卷十九

詳校官給事中_臣查善長

主事_臣祁韻士覆勘

總校官進士_臣朱 鈐

校對官編修_臣朱 攸

謄錄監生_臣勵世馨

欽定四庫全書

玉海卷十九

宋 王應麟 撰

地理

州鎮

漢八鎮

揚雄傳校獵賦戲八鎮而開關注應劭曰四方四隅為八鎮如淳曰不言九者一鎮在中天子居之故也

三國重鎮

通典魏氏有州十二有郡國六十八東自廣陵壽春合肥
肥沔口西陽襄陽重兵以備吳西自隴西南安祈山漢
陽陳倉重兵以備蜀蜀置益梁二州有郡二十二以漢
中興勢今洋川白帝為重鎮吳置交廣荆郢揚五州有郡
四十三以建平今巴東西陵樂鄉南郡巴丘夏口武昌皖
城牛渚圻今采石濡須塢為重鎮其後得沔口邾城廣陵
邾城赤烏四年陸遜常以三萬兵戍之東晉以合肥淮陰壽陽泗口角城

為重鎮

泗口劉遐鎮守今淮陰郡宿遷縣界角城義熙中置亦在宿遷界

大抵上明

今江陵郡松滋縣

江陵夏口武昌合肥壽陽淮陰常為晉氏鎮

守

宗預曰東益巴丘之戍西增白帝之守皆事執宜然

南鄭襄陽懸瓠彭城歷城

東陽皆為宋藩扞齊南鄭樊城襄陽義陽壽春淮陽角

城連口朐山為重鎮梁雍州下澁戍夏口白苟堆破石

城合州

即合肥

鍾離淮陰朐山為重鎮

諸葛亮傳荊州

北據漢沔利盡南海東連吳會西通巴蜀此用武之國

益州險塞沃野千里天府之土高祖因之以成帝業若

跨有荆益保其巖阻命一上將將荊州之軍以向宛洛
身率益州之衆出於秦川 周瑜傳得蜀而并張魯因
留奮威固守其地據襄陽以躡操北方可圖也 魏王

基傳孫權再至合肥一至江夏其後全琮出廬江朱然
寇襄陽皆無功而還 宋志三國鼎峙吳得揚荆交三

州蜀得益州魏氏猶得九馬吳又分交為廣魏末平蜀
又分益為梁 宋何承天曰曹孫之霸才均智侔江淮
之間不居者數百里魏捨合肥退保新城吳城江陵移

入南岸濡須之戍家停羨溪及襄陽之屯民居星散晉
宣王謂宜徙沔南以實水北曹爽不用果亡沮中 胡
氏曰當孫氏時上流欲爭襄陽而不得故以良將守南
郡與夷陵下流欲爭淮南而不得故以大衆築東興與
皖口中流欲爭安陸而不得故以三萬勁卒戍邾城
洪邁曰自荆襄訖丹陽皆晉所經畧為荊州者必都督
八州為南徐者必加督兗豫事力雄盛兵將相習一州
有缺非中外宿望不輕得處陶侃桓沖為荊州温嶠庾

亮為江州皆終其身不它徙故能以再造之國而屹然與北方爭雄

吳十鎮

元和郡縣志吳黃武元年陸遜大破蜀於夷陵遂改夷陵為西陵陸抗疏曰西陵國之西門雖易得亦易失如有不虞當傾家爭之即此處也謹按孫氏自鼎足後自黃武初破蜀先主後得之天紀四年晉軍沿流來伐守將吳彥請增兵不從即今巴東郡也建安二十四年西

蜀將關羽北討魏將于禁等于襄陽陸遜為宜都守鎮此黃武初蜀來伐遜大破之後步闡陸抗並鎮焉即今夷陵郡也吳建衡三年陸抗所築樂鄉城後朱然修之戍焉晉王濬攻樂鄉獲水軍督陸景平西將軍施洪以城降在江陵郡松滋縣東自建安末尅關羽後蜀麋芳來降遂得之鳳凰元年將張咸天紀末伍延並守之晉軍平吳杜元凱赴於此即今江陵郡也建安十九年魯肅寶鼎元年萬彘並鎮守即今巴陵郡也建安十三年

孫權征黃祖剋之後將軍胡奮赴於此即今江夏郡也

甘露元年城武昌陸遜諸葛恪滕收皆鎮守及晉平吳

將軍王戎赴此即今江夏郡也建安十九年權征皖

音患

剋之赤烏四年諸葛恪屯此即今同安郡也天紀末何

植鎮守晉平吳大將王渾赴於此即今宣城郡當塗縣

采石也建安十七年築塢後曹公頻來攻不剋今在歷

陽縣西南八十里右十鎮並為重鎮陸抗傳永安二

年都督西陵建衡二年都督信陵西陵夷道樂鄉公安

諸軍事治樂鄉西陵建平國之蕃表既處下流受敵二境若敵汎舟順流舳艫千里星奔電邁俄然行至非可恃援他部以救倒懸也 周瑜傳出備牛渚屯據江陵晉氏南遷以揚州為京畿穀帛所資皆出焉以荆江為重鎮甲兵所聚盡在焉三州戶口居江南之半 庾翼傳八年春上表請據樂鄉廣農穡穀以伺二寇之釁南史荆揚二州戶口居江南之半江左以來揚州為根本委荊州以閩外

晉江東鎮戍

列傳王述歷庾冰征虜長史時庾翼鎮武昌欲移鎮述與庾冰牋曰安西欲移鎮樂鄉彼去武昌千有餘里數萬之衆造創移徙興立城壁公私勞擾又江州當沂流數千供繼軍府力役增倍且武昌實是江東鎮戍之中非但扞禦上流而已急緩赴告駿奔不難若移樂鄉遠在西陲一朝江渚有虞不相接救方嶽重將當居要害之地為內外形勢使闕關之心不知所向翼遂不移鎮

桓沖欲移阻江南上疏曰自中興以來荊州所鎮隨
宜迴轉溫經畧中原因江陵路便即而鎮之事與時遷
勢無常定今宜全重江南輕戍江北於是移鎮上明

蔡謨成帝時庾亮以石勒新死欲移鎮石城為滅賊之
漸事下公卿謨議曰沔水之險不及大江大江不能禦
蘇峻而以沔水禦季龍以我所短擊彼所長懼非廟勝
之筭亮不果移鎮 庾亮上疏曰襄陽北接宛許南阻

漢水其險足固其土足食臣宜移鎮襄陽之石城遣諸

軍羅布江沔比及數年戎士習練乘釁齊進以臨河洛
庾翼欲率衆北伐上疏移鎮安陸至夏口復上表曰
襄陽荆楚之舊西接益梁與關隴咫尺北去洛河不盈
千里土沃田良方城險峻水路流通轉運無滯進可以
掃盪秦趙退可以保據上流輒量宜入沔徙鎮襄陽

陶侃以江陵偏遠移鎮巴陵詔都督江州因移鎮武昌
遂平襄陽議者以武昌北岸有邾城宜分兵鎮之侃曰
我所以設險而禦寇正以長江耳邾城隔在江北內無

所倚外接羣夷必引寇虜且吳時此城乃三萬兵守今
縱有兵守之亦無益於江南 何克曰荆楚國之西門
戶口百萬北帶彊胡西隣勁蜀經略險阻周旋萬里得
賢則中原可定勢弱則社稷同憂 褚裒假節鎮京口
即日戒嚴直指泗口率衆三萬徑進彭城 温嶠為江
州刺史鎮武昌陳豫章十郡之要宜以刺史居之尋陽
濱江都督應鎮其地今以州帖府進退不便且古鎮將
多不領州皆以文武形勢不同故也宜選單車刺史別

撫豫章專理黎庶詔不許 王羲之論時事曰願令殷
浩荀羨還據合肥廣陵許昌譙郡梁彭城諸軍皆還保
淮為不可勝之基須根立勢舉謀之未晚

元魏六鎮

見城類 魏蘭根說李崇宜改鎮立州分置郡縣崇
奏聞不報 見於史者懷荒沃野武川懷朔高平薄
骨律 通典靈州懷遠漢富平縣也後置六鎮三
戍在此縣界北 北史正光五年八月丙申改鎮為

州太和十八年八月丁未幸懷朔武川撫冥柔元等四

鎮

通典又有御夷鎮

六鎮並在今馬邑雲中單于界正始中

源思禮以跋野置鎮居南與六鎮不齊更立三戍亦在馬邑等郡界

唐河曲六州

默啜傳求六州降戶初突厥內屬者分處豐勝靈夏朔代間謂之河曲六州降人納言姚璿等建請與之紀

貞觀三年是歲中國人歸自塞外及開四夷為州縣者

百二十餘萬人六年是歲諸羌內屬者三十萬人

唐四鎮

龜茲傳太宗以阿史那社尒為崑丘道大總管率安西都護郭孝恪等討之執焉耆王阿那支龜茲大恐社尒破五大城諭降小城七百餘西域震懼初孝恪之擊焉耆也龜茲有浮屠善數歎曰唐家終有西域不數年吾國亦亡帝受俘紫微殿貞觀二十三年始徙安西都護於其都統于闐碎葉疏勒號四鎮儀鳳時吐蕃攻焉耆以西四

鎮皆沒

咸亨元年四月二十二日
罷四鎮 紀四月癸卯廢

長壽元年十月武威

道總管王孝傑破吐蕃復四鎮地置安西都護府於龜

茲十一月一日以兵三萬鎮守於是沙磧荒絕民供芻糧苦

甚議者請棄之武后不聽吐蕃傳議者請廢四鎮勿

有也右史崔融獻議曰太宗踐漢舊跡並南山抵葱嶺

剖裂府鎮煙火相望吐蕃不敢內侮高宗時棄四鎮不

能有而吐蕃遂張入焉耆之西今孝傑一舉而取四鎮

還先帝舊封若又棄之是自毀成功也四鎮無守胡兵

必臨西域西域震則威懾南羌南羌連衡河西必危議

乃格

咸亨元年八月殘羈縻十八州率于闐取龜茲撥換城於是安西四鎮並廢

狄仁傑傳

時發兵戍疏勒四鎮仁傑諫曰右戍四鎮左屯安東轉

輸不絕若捐四鎮肥中國省軍費於遠方并甲兵於要

塞邊州之備豐矣不納 郭元振傳武后時吐蕃大將

論欽陵請罷四鎮兵披十姓之地元振上疏宜以策緩

之

神龍中以御史呂守素處置四鎮

焉耆傳長安時以過使客不堪

其勞詔四鎮經畧使禁止開元七年十姓可汗請居碎

葉安西節度使湯嘉惠表以焉耆備四鎮詔焉耆龜茲
疏勒于闐征西域賈各食其征 于闐傳乾元三年以
葉護曜為同四鎮節度副使李嗣業為疏勒鎮使劉沔
為振武節度開成三年築都護府西北四壘 會要蘇
氏記曰咸亨元年四月罷是龜茲于闐焉耆疏勒長壽
二年十一月復四鎮是龜茲于闐疏勒碎葉兩救四鎮
不同開元六年三月湯嘉惠除四鎮節度經畧使二十
一年十二月王斛斯除安西四鎮節度開元十二年已

後或稱磧西或稱四鎮節度十五年三月分伊西北庭

為兩節度二十九年十月二十九日屬四鎮節度又分

為兩道天寶十二載三月始以安西四鎮節度封常清

兼伊西北庭節度

道鑑自吐蕃陷河隴伊西北庭節度使李元忠四鎮留後郭昕閉境拒守

志隴右道四鎮都督府州三十四

咸亨元年吐蕃陷安西罷四鎮長壽

二年復置龜茲都督府領州九

貞觀二十年平龜茲置

毗沙都督府本

于闐國領州十

貞觀二十二年內附初置州五年高宗上元二年置府析州為十

焉耆都

督府

貞觀十八年滅焉耆置有碎葉城調露元年都護王方翼築

疏勒都督府

貞觀九年

內附

領州十五

隸安西
都護府

六典磧西節度使其統有安

西疏勒于闐焉耆為四鎮經畧使 通鑑開元三年郭

虔瓘兼安西大都護四鎮經畧大使 會昌三年三月

議復河湟四鎮十八州以給事中劉濛為循邊使

通典鎮西節度使統龜茲焉耆于闐疏勒國

唐節度

會要景雲二年四月賀拔延嗣除涼州都督充河西節
度自此始有節度之號 通鑑景雲元年以幽州鎮守

經畧節度大使薛訥為左武衛大將軍兼幽州都督節

度使之名自訥始

通典十節度六典八節度
賈耽十道錄二十一節度

宋朝節鎮

節度州 郡名

鎮鎮東

紹興

會稽

東粵
稽山

鎮南

隆興

豫章

洪都南
昌洪井

鎮江

潤

丹陽

京口南徐
朱方北固

鎮西

麟

新秦

銀城麟
府麟城

鎮安 陳

淮寧

淮陽宛丘

鎮潼 華

華陰

桃塞潼關

鎮洮 熙

臨洮

洮河狄道

鎮寧

澶開

澶淵

澶水北輔

鎮海 青

北海

營丘青社

安安德 閬

閬中

閬水巴西閬川

安遠 德安

安陸

鄖國澧水

安化 密

高密

東武元祐三年改臨海軍

安武 異

信都

中異
冀方

安國

邢

信德

鉅鹿

邢臺
襄國

安慶

安慶

同安

舒城龍
舒皖城

遂安

嚴

新定

嚴陵嚴瀨
舊曰建德軍

普安

隆慶

劍

普安

劍門陰
平劍水

昭昭慶

安吉

吳興

苕水苕
川雲川

昭化

金

安康

涪陽洵水洵陽涪
水洵城漢陰媽洵

昭信

贛

南康

贛川
章貢

昭德

潞

上黨

潞國壺關 靖國
元年改陸德府

武武安

潭

長沙

星沙
昭潭

武昌

鄂

江夏

夏汭
鄂渚

武當

均

武當

鄖鄉鄖
城均陽

武信

遂寧

遂寧

蓬
溪

武康

洋

洋川

駱谷洋
水興勢

武泰

紹慶

黔中

彭江彭
水黔江

武成

滑

靈河

滑臺本
名義成

武勝 鄧 南陽

武寧 徐 彭城
徐方徐
土西楚

威武 福 長樂
閩山
七閩

雄武 秦 天水
成紀秦
川函秦

保保康 房 房陵
上庸防
渚庸郡

保信 廬 廬江
淝水
合肥

保寧 婺 東陽
金華
星婺

保靜 宿 符離

保大 鄜

洛交

鄜時鄜
城洛川

保平 陝

陝

陝津芳
津召南

保順 洮

臨洮

洮河洮
陽北水

保慶 拱

襄邑

東輔
拱輔

保成 府

建炎元年改

府谷 舊
曰永安軍

寧寧武 利

益川

昌綿谷葭萌
嘉川利川

寧江 夔

雲安

巴東
夔國

寧遠 容

普寧

容管
容江

寧國宣

宣城

宛陵

寧海臨安

餘杭

武林錢唐

奉寧鄭

滎陽

新鄭圃田滎澤

泰寧充襲慶

魯郡

曲阜嶧陽

興寧寧

彭原

寧陽北地

慶慶遠宜

龍水

宜城宜水宜陽

慶陽慶

安化

肇慶端

高要

端溪

集慶 亳

譙郡

譙城景亳
亳社蒙城

崇慶 蜀

唐安

晉原
江源

重慶 渝

南平

渝水巴郡
三巴巴渝

嘉慶 嘉定

犍為

漢嘉

永慶 康

德慶

晉康

瀧水

慶源 趙

德源府

趙郡

趙城樂
城邯鄲

建建康 建康

江寧

建鄴金
陵秣陵

建寧 建

建安

富沙
建陽

建武 邕

永寧

邕管樂昌邕邳

建雄 晉

平陽

霍汾臨

定定 江江

潯陽

九江潯浦

定國 同

馮翊

左輔韓原

定武 定

山中

博陵

平平 海泉

清源

泉山晉江溫陵

平江 平江

吳郡

姑蘇

平川 濬

黎陽

通利軍初為濬川軍節度

天平 鄆 東平

鄆城

平涼 渭 隴西

渭水 隴坻

忠忠武 壽 潁昌

許昌南輔 潁川許田

忠正 壽春 壽陽

秦下

靜靜海 瓊 瓊山

瓊管

靜江 靜江 始安

桂林灘水桂 莞桂部八桂

靜難 邠 新平

邠邠邠 水幽原

永永興 京兆 長安

清 清遠 融 融水 融土

清 海 廣 南海 蕃禺 羊城

彰 彰武 延安 延安 延水 延川

彰 化 涇 安定 涇陽 涇水

彰 信 興仁 濟陰 曹南

彰 德 相 鄴郡 安陽 相臺 鄴郡 雄臺

國 奉國 明 奉化 鄴水 甬東 鄴川 鄴山

護 國 河中 河東 蒲津 蒲關 中條

順順昌

潁

汝陰

汝水潁陰

海陸海

汝

臨汝

襄城

橫海

滄

景城

瀛海

河間

瀛

井候

臨海

密

見上

德常德

常德

武陵

桃源

感德

耀

華原

沮水

成德

真定

常山

興德齊

濟南

陸苗
營丘

嚮德

湟

樂州

湟水
邀川

賓德鄯

西平

西寧
州

宣德

嘉嘉興

秀

橋李

嘉禾禾
興秀水

崇崇信

隨

漢東

隨陽
隨國

河河東

太原

晉陽

大鹵并
門參墟

河陽飛

孟

濟源

盟津踐
土河橋

淮淮南揚

廣陵

江都南
充淮海

淮康蔡

汝南

上蔡

山山南東

襄陽

襄陽

岷首南
雍古峴

山南西

興元

漢中

南鄭
漢川

光山

弋陽

浮光一
曰寧淮軍

川 蟹粟

潼川

梓潼

梓潼

蟹粟

成都

蜀郡

華陽

瀘川瀘

瀘川

綿水
江陽

荆南 江陵 南郡

荆渚 郢郡

岳陽 岳 巴陵

羅水 紹興中
改華容 後復

鳳翔 鳳翔 扶風

右輔好
時岐陽

境外 節度州

郡名

節度州

郡名

朔方 靈

靈武

河西 涼

武威

振武 朔

馬邑

盧龍 幽

范陽

永清 燕山

威行 涿

涿水

鎮遠 檀

漁陽

撫寧 平

遼西

昌化 謹

威塞 新

河東路

歸義 沙

燉煌

彰國 應

金城

歸化 瓜

平昌

定難 夏

朔方

天德 豐

九原

大同 雲

雲中

懷遠 琳

靜海

安南
都護

凡初除節度使必先歷境外

節鎮詩括

京東八

營丘鎮海青高密安化名

元祐中
改臨海

濟南為興

德曲阜曰秦寧保慶古襄邑武寧昔彭城濟陰號彰信
東平惟天平

京西十四 山南襄陽鎮崇信漢東鄉陸海乃臨汝武
勝實南陽三城為踐土忠武今潁昌滄陽號昭化房陵
名保康靈河曰武成鄖鄉曰武當鎮安宛丘域淮康汝
南邦奉寧滎陽地順昌潁河疆

陝西十九 京兆為永興扶風名鳳翔馮翊號定國陝
津名保平護國河中郡彰武延安屯雄武天水秦靜難

新平邠保大古邠時鎮潼今華陰感德華原耀彰化安
定涇安化曰慶陽彭原曰興寧鎮洮熙河流域保順洮陽
城平涼渭水郡賓德鄯州垠邈川為嚮德十九郡星分
河東五 河東晉陽城建雄平陽國新秦名鎮西上黨
維昭德永安改保成其地在府谷

河北十 定武為中山鎮寧乃澶淵安武信都冀橫海

景城堧鉅鹿曰安國藥城名慶源河間號瀛海黎陽惟

平川彰德安陽郡成德常山邊

大名天雄軍建北京貝
州永清軍降為刺史州

兩淞九 餘杭寧海鎮東粵鎮東區吳郡平為號丹陽
鎮作都吳興昭慶望新定遂安居嘉興檣李域奉國四

明隅東陽保寧節九鎮列輿圖

温州政和中升應道軍建炎初廢

江東西五 金陵陪京為建康九江尋陽為定江宣城
寧國贛昭信鎮南洪都古豫章

淮東西七 廣陵為淮南亳都名集慶弋陽號光山

紹興

中改寧淮後復舊

符離維保靜保信合肥邦安慶同安郡壽春

下蔡西厥鎮名忠正

福建三 威武長樂今閩山建寧建陽平海泉

四川十四 成都梓部劍西東山南西道古漢中遂寧

始建武信號江陽自與瀘川通武康寧江洋夔域安德
武泰閬黔中寧武益昌綿谷阻普安劍門潛藩雄南平

古渝曰重慶捷為唐安嘉與崇

景定三年瀘川降軍事

廣南九 番禺號清海桂林為靜江慶遠龍水鎮肇慶
端溪邦建武維邕管永慶維晉康寧遠容江域靜海瓊
山疆融水名清遠九鎮列南荒

湖南北六 長沙號武安江陵為荆南武昌鄂渚鎮常
德武陵源岳陽巴陵郡安遠安陸鄖

大觀格節鎮自成德以下凡六十七小鎮自昭化以

下凡二十二

丈臣建節

政和七年六月戊辰改留後為承宣使
二年九月詔節度使以下不帶持節等

中興後宰相特拜者

呂頤浩

鎮南開府醴泉
南定江判建康辭免定江

張浚

崇信萬壽觀使

少師保信判福州

趙鼎

檢校少傅奉國知紹興府

虞允文

少保武安四川

安 史浩 檢校少傅保寧紹興 崇信開府福

趙雄 寧武開

葛邲 保信開府

喬行簡 保

鄭清之

奉 趙葵 少保寧遠節京湖宣

國 趙葵 撫判江陵辭不拜

兩鎮

元豐三年文彥博 河東

治平四年韓琦 鎮安

紹興八年呂頤浩 鎮南

三人皆辭不拜彥博元

祐五年再辭 護國山

紹定六年史彌遠以兩鎮

致仕 保寧

昭信

宰相建節自趙普之後不輕授始於天聖初馮拯

宗室

兩鎮

熙寧初允弼允良 慶元初伯圭

武臣

兩鎮

自建炎三年
韓世忠始

韓世忠

武勝
昭慶

張俊

岳飛

劉光世

楊存中

吳璘

呂文德

三鎮

始於紹興六年四月甲子
韓世忠加橫海武寧安化

韓世忠

鎮南武
安寧國

張俊

靜江寧
武靜海

劉光世

護國寧
武保靜

樞密使領節度

曹彬

忠武

知樞密院加節度

張浚

定國

帶節鉞致仕

富弼

文彥博

呂頤浩

舊制奉朝請必改他官

趙善為太子少保張
永德向拱為環衛

至明道

中錢惟演始以保大節為景靈宮使治平中李端愿以

武康節為醴泉使

舊制以移鎮為恩寵今一定而不易

廉車超授節鉞 紹興十年劉錡順昌之功 三十一年

李寶膠西之捷 紹熙五年郭杲扈衛之勞

節度大使 景祐二年荆王元儼荆南淮南 唐親王遙領方鎮其

在鎮者云副大使知節度事

潛藩不除 紹興八年趙鼎忠武改奉國 淳熙十六

年郭師禹興德改保大

潛藩 丹陵若水之舊 代邸 潞宮 泗亭 唐氏

晉陽之制 魏文譙邑之遊 勒啓聖之圖表潛龍之

館唐上黨宮頌堯建丹陵之地漢表南陽之都

理宗

寶慶紹慶

順慶同慶

帥藩

宋中興後

臨安

安撫使八州浙西

西界浙河東奄左海 左江右湖 根柢萬寓視古

京兆 郡國之首四方觀政 輦轂先彈壓 京邑

翼翼四方是則 天子千里之畿京師諸夏之本

控吳越帶江山統千里之封畿冠四方之岳牧 蛭

笛弗設桴鼓希鳴 前代尹京多用經術之士 居

百郡之首 翼翼為極 象日之封 乾道七年皇

太子領尹制曰考南衙之故實新大尹之多儀 紹

興六年呂頤浩少保浙西大使兼臨安 淳熙王佐

兼侍讀 紹定三年袁韶以資政漵西安撫制置使

兼臨安

平江

許浦水軍
都統制

三吳奧區地迫都輦 姑蘇奧壤任切關河 吳有

三江之阻 吳門价藩枕江連海 睠惟中吳密拱

行闕旁連湖海外控江淮 據要衝於海道為屏蔽

於京畿 鯨波萬里鷁首千艘 唐王仲舒政成為

天下守之最

隄松江路

范仲淹為守

紹興二年仇愈

為沿海制置使置司平江之許浦鎮兼領福建兩浙

淮東諸路十年平江守梁汝嘉兼浙西沿海制置使

紹興末浙西副總管李寶以膠西之捷為靖海節

度浙西通泰海州沿海制置使

鎮江

都統制

丹陽 北固 晉南徐州 北府 朱方 京口兵

可用 外控大江內護行闕 西瓜步北廣陵 晉

為重鎮 東通吳會南接江湖 控江流之會西接

漢沔北距淮泗 因山為壘緣江為境 浙西門戶

長江千里險過金湯 內蔽日畿莫重南徐之鎮

外連天塹尤雄北府之兵 北固名邦近畿奧壤

睽北固之地雄控長江之天險 睽京口金湯之固

接石頭形勢之雄 晉祖逖居京口懷振復之志渡

江中流擊楫誓清中原 褚裒都督徐兗假節鎮京

口除征討大都督徑進彭城 謝安督徐兗 唐韓

滉以舟師由海門大閱至申浦 李德裕 范仲淹

為守 建炎三年資政大學士呂頤浩為江淞制置

使兼守鎮江 其後周望張俊韓世忠劉錡皆為制

置使 建炎四年劉光世為浙西安撫大使兼守

嘉熙三年吳潛為浙西制置使

紹興

安撫七州
浙東

會稽 東粵 禹會 於越 中興馮翊今之豐沛

提封七州兵籍賦輿莫不兼總 襟海帶江為東南

都會 千岩萬壑 山川之美 禹穴神臯地埒分

陝 今之會稽昔之關中 西界淝河東奄左海

會稽鉅鎮東越奧區 武帝賜嚴助書會稽東接於

海南近諸越北枕大江 願奉三年計最 嚴朱守

會稽劉 萬壑千岩俱護鬱蔥之氣右扶左翊密

陪衆大之都 趙抃范仲淹趙鼎為守

趙鼎檢校少
傳奉國節為

大使 史浩
以舊弼出牧

君陳命汝尹茲東郊 令德孝恭 茲率厥常惟民

其乂 命畢公保釐東郊 澤潤生民惟既厥心慎

厥事 微子之命庸建爾于上公尹茲東夏往敷乃

訓慎乃服命率由典常以蕃王室律乃有民永綏厥

位萬邦作式 王命仲山甫城彼東方式造其歸賦

政于外四方爰發 賜履東至于海 五侯九伯女

實征之夾輔周室 自陝而東周公主之自陝而西
召公主之 畢公分東郊 申伯式南國 召伯憇
南國而教明畢公釐東郊而道洽皆藉大臣之望用
形九牧之風 十國為連千里曰甸 名聯侍從之
列身寄斗牛之間 如周洛師如漢馮翊謀帥加重
異乎他邦 總帥七州提封八縣

慶元

沿海制置使
紹興初置

東至于鄞 甬東 鄞水 川 東漸巨海東南要會

海澄萬里之波 藩屏王畿控制海道 以表東

海 肅清海道 陟禹迹至於海表 據會稽之東

枕山臂江 負溟渤控扶桑 密拱吳會諭控瀚海

宏開四履遠控三韓 有蛟門虎蹲天設之險

迺睽鄞江近扼海道 欲壯股肱之郡必求方面之

材威望聳則風颿浪舶之無虞恩信著則椎結卉裳

之來慕 天設海門之險雲屯水戰之師 瀚海澄

波京師蒙福 東海之得翁歸 潛藩控溟渤之衝

漢東粵傳上遣橫海將軍韓說出勾章浮海從東

方往 紹興三年以步軍都指揮使武泰節度郭仲

荀為守兼制置使

罷軍職加
檢校少保

十年仇愈兼沿海制置

使隆興元年子瀟兼 范成大為制使上曰付卿以

海道

建康

安撫九郡留守沿江
制垣都統制 江東

金陵 秣陵

陪京 都

建業 帝王州 長江天

塹 鍾山龍磻石頭虎踞 王者之宅吳以來經營

四方以為根本 黃旗紫蓋常見東南 倚山帶江

舊為帝里 天塹當十萬之師 北望中原 九

州天險六代帝都 西陵至江都俱切風寒之護建

鄴控天塹每嚴王氣之占 管籥昇麟符之竒藩籬

張虎踞之雄 睽金陵之畫壤控天塹以建都 紫

蓋黃旗接帝城之蔥鬱玉符金鑰闕輦路之森嚴

虎踞之邦 龍韜之畧 留臺 蕭何以信謹守管

籥 剽屬任關中事 任蕭何於關中無西顧憂

委以別京之重 處居留之任 守宮鑰之謹嚴

掌北門之管 留鎮居守 保釐 元帥領十連之

重別宮備萬乘之臨 玉麟分左 睽建業之名都

總別都之留務龍蟠虎踞山川鍾王氣之靈鳥革翬飛

觀闕視神京之麗 虎踞龍蟠規摹猶昔魚麗鶴列

勝筭方新惟江陵武昌之相望暨合肥蕪城之對峙

首尾聯絡輔車因依 掌籥居留 王氣龍盤地形

繡錯 施君陳東郊之政 分正東郊 畢命保釐

鄴侯謹信 營江潁以告成 式辟四方徹我疆土

江漢湯湯武夫洸洸經營四方告成于王 中興

呂頤浩張浚趙鼎陳俊卿為帥

頤浩為安撫大使張浚在此無北顧之

憂

乾道三年史正志為帥總建康至鄂渚舟師

王欽若自江寧再相 開禧中葉適以建康守兼沿

江制置使續改兼江淮制使措置屯田丘富為江淮

制置大使兼建康守

池州

都統制

秋浦 池陽重鎮江左要衝 江山千里襟帶六朝
唐李芑請以秋浦置州扼衿要 建炎四年呂頤
浩為安撫大使兼知池州 紹興十二年始分屯大
軍 都統制紹興李顯忠乾道吳總

太平州

提領
茶鹽

當塗 江津之要 姑孰在大江之南左天門右牛
渚鐵甕直其東石頭枕其北 襟帶秦淮自吳汜陳
常為鉅屏 民安俗阜 當塗樂土江左雄藩 俗

媿民淳 周瑜備牛渚 桓沖自京口遷鎮姑孰

寧國

宛陵 宣城 作藩南夏據吳上游 阻山帶江

顏謝流風 雙溪疊嶂

隆興

安撫十一州今
移九江江西

南昌 洪都 洪井 豫章 星分翼軫地接衡廬

襟江帶湖控荆引粵 十郡之要 屏翰江右 龍

潛舊服物衆地大 據百粵之上游為三楚之重輔

天開翼軫之疆地扼江湖之國 鍾陵奧區楚澤

全壤 南接五嶺北帶九江咽扼荆淮翼蔽吳粵為

一都會 淮海帶襟 扼甌閩交廣之吭 十一州

五十六縣皆受約束 令修庭戶之間人自得於江

山之外

王仲舒

潛藩分閫是為翼軫之區連帥遜

才無越台衡之舊 召伯教明南國 韋丹功被八

州 於江西八州無遺便 獨孤及為洪州刺史張

鎬頌云家有膏雨戶有陽春 中興李綱趙鼎周必

大會府之雄 中興牧伯半用政塗之舊 紹興三

年趙鼎江西大使兼洪州

江州

安撫使沿江制副都統制

尋陽 九江 湓城

浦

晉置州初治豫章後治於

此中流襟帶常為重鎮 國之南藩要害之地 舟

車衝要 湓江帶其右廬阜居其前 殫壓九派襟

帶上流 控西江之要地宿南渡之重師 據大江

為中流宿勁兵為重鎮 西挹武昌東引京口 陸

通五嶺江行岷漢亦一都會 南北以長江為限東

西以中流為防 漢盧植才兼文武拜九江守 晉

桓沖曰尋陽西連荆郢 陶侃温嶠庾亮褚裒為刺

史 中興朱勝非安撫大使兼守 岳飛以江西制

置使駐江州備南康興國江西 飛兼制置舒蕲荆南
鄂岳黃復漢陽德安

上流要地中興置都統以廣屯備

揚州 制垣九郡安撫使兩
淮制置大使 淮南

廣陵 斗牛之分 江都 淮海 枕江臂淮 重

江複關之奧 四會五達之莊 江左大鎮 以揚
州為根本 長淮都會南躡鉅海之滸北壓長淮之
流 俯江湄瞰京口 淬蘭錡之戎械增堅金之外
郭 江漢匪安匪舒淮夷來鋪 常武整我六師以
脩我戎戒我師旅率彼淮浦省此徐土不留不處三
事就緒 鋪淮瀆執醜虜截彼淮浦王師之所 牧
臣司揚 魏文見江濤以為天限南北 吳自西陵
至江都五千七百里道里甚遠必爭之地不過數四

猶人有八尺之軀護風寒亦數處耳 魏淮南北有

四萬人且田且守 晉祖逖屯於淮陰尅譙城 黃

河以南盡為晉土 謝安出鎮 詔求文武良將鎮

禦北方以謝玄為兗州刺史領廣陵相監江北諸軍

事 郝鑒都督青兗二州鎮此 晉末以廣陵控扼

三齊故青兗同鎮 宋文帝兼置南兗州 唐李吉

甫德裕 宋朝韓琦 韓世忠宣撫 門戶嚴則謝

玄無後顧之憂藩籬固則祖逖有前進之勢

廬州

制置副使安撫使九郡
強勇軍都統制
淮西

廬江 古廬子國 合肥 為淮西根本 一道都

會地大以要 江北脣齒淮右衿喉 南臨江湖北

聯壽春 腹巢湖控渦潁膺濡須枕瀟皖為用武之

郊 淮甸沃壤 長淮帶城 中嚴王旅之屯外倚

帥垣之重 魏為重鎮張遼守之以八百人破孫權

十萬衆明帝曰東置合肥南守襄陽西固祁山敵來

輒破地有所必爭 築新城 武帝軍合肥開芍陂

屯田 劉馥鎮合肥廣屯田脩戰守之備興陂竭懷

流民 魏滿寵鎮此曰合肥城南臨江湖北遠壽春

吳屯廬江皖口 晉謝玄扼肥水敗秦師 戴淵

屯守 若昔濡須之築芍陂之屯郾城士飽馬騰淝
水風聲鶴唳欲追往躅宅牧良難 訖天誅於洄曲

但畏合肥有韋虎 紹興七年九月劉錡為守兼

營田使淮西制副 嘉定十二年善湘為制副

濠州 招撫使

濠梁 鍾離郡 臨濠 阻淮帶山 荆山在西濠

水合流 南北朝為重鎮 鄧艾屯田自鍾離以南

置營 張萬福為刺史江淮草木知威名

黃州制

齊安 黃岡 中襄鄂昇揚而立首尾聯絡 內繕

諸關外嚴列戍 東望夏口前介大江 通接巴蜀

襟帶湘漢介淮楚之交 地連雲夢城倚大江 濱

江帶山 烏林赤壁 五關之險惟江表之藩籬在

淮孺之屏翰 邾城名郡淮甸要衝 陸遜以三萬

兵戍邾城 吳戍此城用三萬兵

光州

武定軍都統制本雄
淮軍嘉定元年改

光山 弋陽 浮光 襟帶長淮控扼潁蔡 期思

舊封 面山負野限淮為圻

淮安

撫安

山陽 東楚 淮陰 淮水湯湯 至于海邦淮夷

來同 晉以淮陰為重鎮 祖逖為豫州刺史屯淮

陰起冶鑄兵器克譙城遂鎮雍丘勸課農桑撫納新
附 荀羨北鎮淮陰屯田石鼈 唐於楚州古射陽
湖置洪澤屯 韓世忠為宣撫使屯山陽 嘉定中
賈涉知楚州淮東制使兼京東河北路節制使又兼
鎮撫節制大使

壽春

安撫

壽陽 下蔡 淮南要衝壽陽重鎮劉仁贍之備禦
英烈如存鄧士載之經營宏規可想 鄧艾令淮北

屯二萬人且田且守 平淮西碑曰丈通汝守壽

紹興中李光壽春等州宣撫使

江陵

京湖制垣安撫使十六郡都統制正在鄂副在襄湖北

荆渚 南郡 荆南 南楚 鷄尾之分 荆南為

吳蜀門戶 楚之郢都 南夏劇鎮據江湖之會控

扼巴蜀襟帶吳粵 北繞潁泗南通五嶺 西通巫

巴東接雲夢 地利西通蜀天文北照秦 三湘七

澤 荊州上游 北連鄧許西極瀟湘 眷荆楚之

西門實江漢之南紀 大別之南江漢合而東流

詩疏

重湖三楚 地控上游兵屯重鎮 控巴夔之要

路接襄漢之上流 指作要衝昔分吳蜀列為一道

今扼荆襄 江漢之澣王命召虎式辟四方徹我疆

土于疆于理至于南海 來旬來宣經營四方 采

芑方叔元老克壯其猶方叔率止執訊獲醜征伐獫

狁蠻荆來威 裒荆之旅有截其所 荆楚居國南

鄉 烈烈征師召伯成之 王命卿士大師皇父整

我六師以脩我戎既敬既戒惠此南國 召公之教
明南國申伯之德揉萬邦 吳與蜀分荊州 吳晉
重鎮 江左大鎮莫過荊揚有西陝之號 諸葛孔
明曰荊州北據漢沔利盡南海東連吳會西通巴蜀
此用武之國又謂先主曰命上將將荊州之軍以向
宛洛 何充曰荆楚國之西門得人則中原可定
周瑜屯據江陵 晉陶侃鎮荊州楚郢士女相慶自
南陵迄于白帝數千里中路不拾遺 桓溫經畧中

原即而鎮之 庾翼為南郡太守鎮江陵 唐自至

德以來處方面數十人呂諲最有名威惠兩行 穆昭嗣

對太祖曰荆南即西川江南廣南都會也今已克此

則水陸皆可趨蜀 呂餘慶自江陵為參政 趙雄

寧武節開府判江陵 劉錡以太尉知荆南兼都統

牧臣司荆

鄂州安撫都統制

武昌 江夏 夏汭 夏口兵衝要地宜得其人

地接荆峴 江漢合流 鄂渚 扼東江湖 襟帶

吳楚 遠控湖湘旁帶漢沔 夏口在荆江之中通

接梁雍實為衝要 一江天險萬騎雲屯 孫吳都

之常為重鎮 置督將于此 周瑜為江夏守請得

精兵數萬人進夏口破曹操 呂岱屯武昌與陸遜

共領荊州同心協規南土稱之 晉陶侃為守兼督

江州移鎮武昌 庾翼修軍器積穀 溫嶠鎮武昌

有惠政 王述曰武昌江東鎮戍之中非但扞禦上

流而已方嶽重將當居要害之地為內外形勢 桓

沖曰夏口江沔衝要 唐柳公綽陳師鞠旅古名將

無以加 建炎四年鄂州置安撫大使紹興四年馬

廣為江西沿江制副屯武昌

紹興元年春分八郡為湖東路安撫置司於鄂

隆興二年沈介為守兼鄂岳江黃漢陽沿江制置使 嘉定十四年李璣以沿江制置副使兼守

常德府

武陵 桃源 建炎四年程昌禹為鼎澧鎮撫使

紹興元年春分鼎澧辰沅靖等九郡為湖西路安撫

置司于鼎

昌禹兼

寶祐三年常德守湖北安撫兼五

郡鎮撫使

潭州

安撫使九郡湖南

長沙 星沙 熊湘壽沙 翼軫為楚分旁一小星

為長沙星謂之南楚 南五嶺北洞庭控湖湘上游

控交廣之戶牖扼吳蜀之咽喉翼張四隅襟東萬

里 長沙鉅屏南紀上游 湘川之奧人豐土闢南

通嶺嶠 襟帶重湖 領湖南之地二千里 潭府

淳古 湘水行春 地狹不足回旋右夏汭左荆門

控百粵包九疑 山川秀麗稱衡湘 地勢廣長

接青草洞庭之匯民情勁悍狃綠林新市之風 星

沙於外藩最佚 勿謂湖湘之遠在予庭戶之間

甘棠召伯之教明南國 申伯王纘之事南國是式

登是南邦世執其功 王命申伯式是南邦我圖

爾居莫如南土 錫爾介圭 戎有良翰 文武是

憲 柔惠且直揉此萬邦聞于四國 常武整師脩

戎 惠此南國 吳芮之忠著甲令 賈誼為長沙

傅 晉元帝曰湘州控上流之勢據三江之會脣齒

荆雍 皇祐中狄青湖南北宣撫使經制廣南 紹

興二年李綱湖廣宣撫使兼潭州制云位均分陝四年席益

湖南安撫制置大使五年呂頤浩以鎮南節開府為

之 周必大少保判 李椿朱熹劉珙真德秀為帥

孫沔為湖南江西安撫使得以便宜從事 重湖

通川陝之氣脈九郡扼蠻獠之衿喉中興以來見謂

重鎮如網如益如頤浩如珙皆繇政路出殿是邦

襄陽

京西南安撫使七郡制垣

南雍 古峴 峴首 穀城 翼軫之分 控制上

流 西控蜀漢東帶吳楚 右視湖湘左顧川陝下

瞰京洛 帶襟漢水屏蔽全吳 去江陵步道五百

里執同脣齒 北接宛洛跨對楚沔為鄢郢北門

名楚蜀之上游 玉節臨南雍 方城為城漢水為

池 天設金湯雲屯貔虎 魏為荊州治西極梁州

南包臨沮北接陰鄧 吳周瑜曰據襄陽以躡操北

方可圖也 魯肅曰外帶江漢金城之固沃野千里

魏明帝曰南守襄陽敵來輒破地有所必爭 司

馬宣王云襄陽水陸之衝禦寇要地不可失也 晉

羊祜率營兵出鎮南夏綏懷遠近甚得江漢之心戍

邏減半分以墾田八百餘頃大獲其利有十年之積

以所統諸軍在漢東江夏者皆以益祜祜在軍常輕

表緩帶進據險要開建五城收膏腴之地增脩德信

以懷柔初附繕甲訓卒廣為戎備

江衛如砥
襁袂同歸

杜預

督荊州繕甲兵簡精銳勤於講武江漢懷德化被萬

里錯置屯營分據要害之地通零桂之漕刻石紀勲

立峴山之上周訪務農訓卒劉弘勸課農桑漢

沔肅清庾亮云北接宛許南阻漢水其險足固其

土足食晉庾翼䟽襄陽荆楚之舊西接益梁與關

隴咫尺北去河洛不盈千里土沃田良方城險峻進

可以盪秦趙退可以保上流翼謀北伐鎮于此 桓
宣招懷初附勸課農桑撫綏有績 唐樊澤威惠著
襄漢裴度為節度 曹王臯勤儉

峽州

安撫副使始
於寶祐二年

巴峽 月峽 吳漢留夷陵沔江而上 陸遜言夷

陵要害國之關限失之則荊州可憂又以為西陵國
之西門 陸抗都督西陵國之蕃表若敵汎舟順流
非可恃援他部 陸遜為宜都守鎮此後陸抗鎮焉

元和郡
縣志

建平州

陸抗曰西陵建平國之蕃表

胡安國曰湖北十有四州其要會在荆峽劉表時
則軍資寓江陵先主時則重兵屯油口關羽孫權則
并力爭南郡陸抗父子則協規守宜都晉大司馬溫
及其弟沖則保據渚宮與上明皆荆峽之封境也荆
南諸邑在江北者三在江南者四峽州大都險要皆
在南岸欲保江左必都建康欲守建康必有荆峽

重慶

四川制
置移治

古渝 巴渝 渝水 渝南 在岷山之北 西控

楚道北接漢中 承三江之會 晉王濬為巴郡

守

成都

四川制置總三十六郡 安撫使十六郡

坤維 井絡 靈關玉壘 岷山之精上為井絡

帶二江之雙流抗我眉之重阻 魚鳧蠶叢之國

參旗井鉞 歷井捫參 華陽黑水 蜀道青天

華陽西極黑水南流 井絡輝其上岷嶠鎮其域華

山表其陽汶江出其徼 外負銅梁緣以劔閣 地
稱天府 止錦江之沸清玉壘之塵 鼎峙三分之
地坤維半壁之天 丈翁倡其教 丈翁之文武侯
之武 一方之寄非親賢勿居 蕭何以丞相留收
巴蜀租填撫諭告使給軍食 王尊為忠臣叱馭
作中和樂職之詩 孫寶著名西州 朱輔宣示漢
德威懷遠夷 孔明謂先主曰身率益州之衆出秦
川則霸業可成又曰益州險塞沃野千里 高崇丈

曰西川乃宰相回翔之地 韋臯治蜀二十一年撫

諸蠻有威惠製紀功碑褒賜之蜀道易 武元衡外分

兵符中佩相印 李德裕籌邊樓按西南道之圖

張詠恩威並用 呂餘慶以參政守成都 趙抃為

政簡易自政府復往 程戡善撫遠人還當以二府

處之 文彥博立訓練之法 張方平 善政前有

胡世將後有蕭振 張燾以帥臣行四川民事 席

益以制置大使兼守紹興五年 汝愚始以同姓守蜀

興元

利東安撫使
都統制

漢中

梁州

南鄭

為巴蜀障蔽

顧瞻南鄭屏

蔽西陲

牧臣司梁

漢王都南鄭蕭何曰語曰天

漢其稱甚美大王漢中收用巴蜀還定三秦天下

可圖也韓信曰三秦可傳檄而定決策東向有拜

將壇楊洪曰漢中益州咽喉若無漢中則無蜀

先主曰我必有漢川矣蜀以魏延蔣琬屯守為重

鎮孔明率諸軍北駐漢中以圖中原上出師表

誦武侯出師之章審漢將登壇之策 唐鄭餘慶鎮

興元 紹興中楊政以經畧安撫守興元 嘉定中

安丙以制置大使治興元 紹興即蜀北境分置二

帥東治漢中西治葭萌

利州

利西安撫副都統制

益昌 葭萌 綿谷 咽喉要路 秦自劍道伐蜀

即此路 劍門銘云右師逾利州左師出于劍門

攻出

九地上 披重雲 右逾岷山左直劍門 建炎四年利州路

置帥後耿興宗守興元兼利州安撫由是帥移興元
紹興十四年分利路為東西乾道四年合為一興元
兼領淳熙二年復分三年又合五年復分開禧三年
復合嘉定十二年丁焞守沔而又分

夔州

夔路安撫使十
五郡宣撫使

夔子國 雲安 白帝城 夔門 控荆楚上游為

巴蜀要郡 居瞿唐上游 楚蜀衿吭水陸衝要

全蜀之口 介于巴楚 咽喉巴峽 朝發白帝暮

至江陵 荆益之衝南控百蠻西南四道之咽喉吳
楚萬里之襟帶 夔府 蜀西增白帝之守 孔明
八陳圖在永安宮南平沙上 唐李孝恭為總管

潼川

安撫今在瀘州 寶祐六年詔移司秋州

梓部 東川 左蜀 左帶涪水右挾中江居水陸
衝要 東控瀘叙西扼綿茂江山形勝為劍外一都
會 西接二江南連三峽 表裏巴庸咽喉褒漢
高崇文為節度

金州

都統制

洵城

涇陽

姚墟

安康

洵陽

洵水南入沔

郡臨漢江

蜀以申儀為西城太守

王彥始除

金房開達州都統

郭浩

王彥

沔州

安撫利西路都統制吳璘

沔水

順政

武興

武都

嘉陵水

興城關

城外有壘三面周匝

地當衝要

劉備自陽平關

南渡沔水

孔明獎率三軍北定中原遂行屯沔北

陽平

傳云屯沔陽

蔣琬欲乘漢沔東下襲魏興上庸

瀘州

潼川路安撫使十五郡

瀘川

江陽

瀘南

控扼六詔為重鎮西連楚道

東接巴渝

古巴子之國

枕帶雙流

地兼夷漢

江帶梓夔

地聯戎楚境接巴黔

地控雲南之六

詔疆連井絡之三巴

孔明五月渡瀘定南方平南

中七縱七禽

太祖召瀘州守錢文敏曰瀘近蠻尤

宜綏撫

乾道升領東川一道十五州為邊隅重地

趙雄以舊弼為守 景定三年二月改江安州降
軍事

水經注若水至犍道又謂之馬湖江 唐地理志戎

州有馬湖鎮兵 後漢志犍為郡犍道注華陽國志

曰治馬湖江會水通越嶲舊本有九域志羈縻州

商駟浪川騁州在馬湖江隸戎州 唐乾符二年高

駢脩復邛峽關大度河諸城柵又築城於戎州馬湖

鎮號平夷軍築城於沫源川皆蠻入蜀之要道各置

兵數千戍之自是蠻不復入寇

福州

安撫使八郡
西北宗正

閩中 三山 七閩重地百粵故區 東帶滄溟南

望交廣 眷全閩之督府奠長樂之奧區 惟南閩

之都會有東魯之文風 襟山帶海控廣聯吳 任

重十連威臨八郡 閩粵地肥衍 八郡支分封圻

廣袤三山鼎峙形勢尊雄 常袞優儒生之禮丕變

文風崇重學校海濱幾及洙泗以文詞進民皆化之

蔡襄為守 張浚為大使條畫海道舟船利害

陳俊卿以舊弼再守 唐有長樂郡經畧使以防海

寇管兵千五百人

泉州

南外
宗正

清源 朱買臣云發兵浮海直指泉山陳舟列兵

蔡襄再守

建寧

建安 建水 建溪 富沙 武夷 閩之上游

東閩劇地 襟山東水 碧水丹山 潜龍之邸

家有詩書 自朱熹倡道東南為道義之鄉 陳俊

卿王淮梁克家以舊弼為守

廣州

經畧 安撫使十四 郡 唐五府經畧使

南海 番禺 羊城 扶胥黃木 交趾蒼梧 服

領以南 帝命南伯 嶺南節度為大府 鎮海敵

其陽五嶺峙其北 祝融之宅 古南粵之地 嶺

表 地控百粵境接羣蠻 殿南服 江漢之詩曰

于疆于理至于南海 眷南粵之封垂宅番禺之都
會 海山控帶夙稱形勢之雄民蠻雜居尤賴撫綏
之畧 選帥重於他鎮有丈武威風知大體 嶺南
帥得其人則一邊盡治 盡牧南海之民 總五莞
之政教建三軍之鼓旗 五莞之民 分五羊而作
牧 旂幢蓋海 龍戶馬人 陶侃運甕之志 唐
經畧使以計度為上考 宋璟 李勉廉潔 孔戣
正直方嚴 海嶺之陬既足既濡 河間王孝恭安

輯嶺表號令暢南海 馬總抗節番禺 治廣無出
王方慶之右賜瑞錦以彰善政 向敏中廉清 崔
與之自廣州除參政

靜江

經畧安撫二十五郡
寶祐五年命制置大使

桂林 八桂 桂管 襟蠻帶海為會府 五莞之

地桂為大 西控龍編東連鯨海 地控諸蠻疆連

五嶺 地連五嶺川東三江 左控荆衡東接嶺海

為一都會 脩戎兵用邊蠻方 疆分五嶺 疆分

五筦連江山，蓼帶之雄戶。雜羣蠻，有鱗介衣裳之俗。
撫御之宜，有赤子龍蛇之別。牧伯之任，在嚴師父
母之間。宣威丹徼，領郡二十五。羈縻州七十二。
控制雄劇，銅柱之邦。戈船之道，羈縻七十州。封
畛四千里，風氣清淑。東接嶺海，右控蠻荒。晉陶侃
鎮江陵，都督交廣。忠順勤勞唐李靖平嶺南，為嶺南撫
慰大使，桂州總管。王暉為都督，築城務農。唐經
畧之地，甚重。專西南一面之寄。幕府無南鄉之

慮 曹克明始置溪洞司而兼領之 陸詵嶺外處

畫無不當者 余靖奏團結訓練土丁以備邊

經制五莞

思信著嶺外

張栻范成大 援著安交趾之績固陳靖

日南之方 祖宗之制不以武人為大帥專制一道
必以文臣為經畧以總制之

尹 真定 太原 京兆 鳳翔 河中 江陵

成都 興元 江寧

大都督 徐 兗 陝 潞 揚 福 杭 越

都督 安 延 洪 鄂 夔 廣 夏

文茵暢轂 雕戈錫盾 赤旂金節 朱芾葱珩

豹尾神旗 旃旌綉棧 淑旂綏章 貝冑朱綬

茸纛駢旄 渠門赤旂 壽甲琫戈 鉞鉞琫戈

犀甲熊旂 鸞旂鷗綬 隼旗鸞冕 玄纛青旌

龍旂四牡 長轂千旟 龍節虬旌 牙璋犀節

欽定四庫全書

玉海卷十九

欽定四庫全書

子部

玉海卷二十

詳校官給事中臣查善長

主事臣祁韻士覆勘

總校官進士臣朱 銓

校對官編修臣朱 攸

謄錄監生臣勵世馨

欽定四庫全書

玉海卷二十

宋 王應麟 撰

地理

山川

黃帝空桐山

史記紀東至於海西至於空桐

韋昭曰在隴右正義曰括地志山在肅州福祿

縣東南六十里古西域地花朴子內篇黃帝從廣成子受自然之經即此山又笄頭山一名空桐山在原州平

高縣西百里鄆元云大隴山異名莊子廣成子學道空
桐山黃帝問道在此蓋二處皆云黃帝登之未詳孰是

登雞頭南至於江登熊湘北逐葷粥合符釜山而邑于

涿鹿之阿贊予西至空桐北過涿鹿長老各稱黃帝堯

舜之處風教固殊 莊子黃帝立為天子聞廣成子在

於空桐之上往見之釋文爾雅云北戴斗極為空同一

曰在梁國虞城東三十里司馬云當北斗下山也 漢

武帝元鼎五年冬十月至隴西登空桐 王元之有空

桐山銘

黃帝五山

見羣祀

堯山

前地理志中山國唐縣注堯山在南應劭曰故堯國也
唐水在西張晏曰堯為唐侯國於此堯山在唐東北望
都界望都縣注張晏曰堯山在北堯母慶都山在南登
堯山見都山故以為名 張衡南都賦奉先帝而追孝
立唐祀乎堯山注水經曰南陽縣西堯山酈元曰魯縣

立堯祠於西山謂之堯山

舜十二州山川

舜典肇十有二州封十有二山濬川 程氏曰封表其
山為一州之鎮 夏氏曰封殖十二州之山與其川而
深濬之孔氏以封訓大每州取山之殊大者以為一州
之鎮 胡氏曰川之交會非若山之可以州別若江出
岷山深州而患在荆揚河出崑崙雍州而患在徐兗故
不言十二

舜歷山

續志濟陰郡成陽有雷澤注帝王世紀舜耕歷山漁雷澤濟陰有歷山河東郡蒲坂注縣南二十里有歷山舜所耕處 水經蒲坂注郡南有歷山謂之歷觀舜所耕處有舜井媯汭二水出焉上有舜廟 曾鞏曰圖記皆謂齊之南山為歷山

禹九州山 山川名 山川次秩

禹貢奠高山大川序禹別九州隨山濬川正義奠高山

大川言禹治九州之水水害既除定山川次秩自導岍至嶓冢所治之山首尾相及導弱水至洛所治之水發源注海定其次秩尊卑使知祀禮所視山高者莫高於岳川大者莫大於瀆五岳嵩岱衡華恒四瀆江河淮濟舜典云望秩山川故言定其差秩王制云五岳視三公四瀆視諸侯其餘視伯子男荆岐既旅蔡蒙旅平九山刊旅是次秩既定故旅祭之九州之次以治為先後治水皆從下為始冀州帝都於九州近北故首從冀起自

堯已下皆準地之形勢從下向高從東向西雍地最高故在後此經大體每州之始先言山川後言平地青梁先山後川徐雍先川後山堯揚荆豫有川無山揚豫不言平地史以大略為文冀州之分言及雍州之山從東循山治水而西故也班固漢書地理志據前漢郡縣言

山川所在

禹貢分州必以山川定經界州縣之設有時而更山川之形千古不易

呂刑

禹平水土主名山川注禹治洪水山川無名者主名之史記夏本紀禹乃行相地宜所有以貢及山川之便

利禹行自冀州始 漢張騫傳贊言九州山川尚書近之矣至禹本紀山經所有放哉

史大宛傳同又曰所有怪物余不敢言之也

爾雅從釋地已下至九河皆禹所名也 莊子天下

篇墨子曰禹湮洪水決江河通四夷九州名川三百支川三千小者無數 冀之壺口梁岐岳陽碣石雷首底柱析城王屋太行恒山大伾青之岱萊徐之蒙羽嶧陽揚之敷淺原荆之荆衡內方大別豫之熊耳外方桐柏陪尾梁之華陽岷嶓蔡蒙雍之荆岐終南博物鳥鼠三

危積石龍門岍西傾朱圉華陰此九州之山也冀之衡
漳恒衛孟津洛沈兗之九河雷夏灘沮濟漂青之灘淄
汶徐之淮沂泗大野揚之彭蠡三江震澤荆之江漢九
江沱潛雲夢滄浪三澨澧豫之伊洛瀍澗滎波河澤孟
豬梁之黑水桓沔雍之西河弱水涇渭漆沮澧此九州
之川也每州言境內之山川又聯貫首尾從西而東以
著自然之形勢先隨山而後濬川自尊岍至敷淺原皆
導山之事自尊弱水至尊洛凡九條皆導水之事自北

而南言山以為水之經言水以為山之紀九山刊旅九川滌源九澤既陂四海會同禹功之全可見矣

禹九江 九水 九江圖

禹貢荆及衡陽惟荊州江漢朝宗于海九江孔殷注江於此州界分為九道甚得地勢之中釋文尋陽地記曰禹疏九江一曰烏白江二曰蚌江三曰烏江四曰嘉靡江五曰畎江六曰沙源江七曰廩江八曰提江一作九隄九曰筭江一作筭張須元緣江圖云一曰三里江二曰五州

江三曰嘉靡江四曰烏土江五曰蚌江六曰白烏江七
曰筭江八曰沙提江九曰廩江參差隨水長短或百里
或五十里始於鄂陵終於江口會于桑落洲大康地記
曰九江劉歆以為湖漢九水入彭蠡澤也正義傳以江
是此水大名九江謂大江分而為九猶大河分為九河
鄭云九江從山谿所出其孔衆多言治之難也鄭意九
江各自別源其源非大江也下流合于大江耳應劭注
地理志云江自潯陽分為九道符於孔說潯陽記有九

江之名烏蟬烏白嘉靡畎源廩提箇雖名起近代義或

當然

賈耽謂江有八洲與江為九

所導凡有九水大意自北為始弱

水最在西北水又西流故先言之黑水雖在河南水從
雍梁西界南入南海與諸水不相參涉故又次之四瀆
江河為大河在北故先言河也漢入于江故先漢後江
其濟發源河北越河而南與淮俱為四瀆故次濟次淮
其渭與洛俱入于河故後言之流水多矣此舉大者言
耳弱黑沈水不出于山其餘六水文與山連不言水積

石山非河上源記施功之處淮渭洛言自某山皆是發源夏本紀九江甚中注鄭玄曰地理志在尋陽南皆東合為大江索隱曰張氏九江圖所載有三里五畎烏土白蚌河渠書太史公曰余南登廬山觀禹疏九江漢志蜀郡湔氐道注禹貢嶧山在西徼外江水所出東南至江都入海過郡七行二千六百六十里廬江郡尋陽縣注禹貢九江在南皆東合為大江九江郡注應劭曰江自廬江尋陽分為九文選江賦源二分於嶧

岷流九派乎潯陽

注尚書曰荆州九江孔殷

淮南子禹鑿江而通

九路

曾氏曰沅漸元辰敘酉湘資醴水皆合洞庭中

東入于江是為九江導江曰過九江至于東陵今之巴

陵巴陵之上即洞庭也因九水所合遂名九江水經九

江在長沙下雋西北楚地記曰巴陵瀟湘之淵在九江

之間

夏氏取曾說

水經引庾仲雍江記

選洞簫賦注引

江圖

選詩注引庾仲雍江圖

隋志庾仲雍江記五

卷漢水記五卷尋江源記一卷

唐志五卷

釋道安四海百川

水源記一卷張氏江圖一卷劉氏江圖二卷

唐志失姓名

唐志張容九江新舊錄三卷 文選注周書曰禹渫七

十川大利天下

莊子禹親自操橐耜而九雜天下之

川

禹三江

禹貢淮海惟揚州彭蠡既豬陽鳥攸居三江既入震澤
底定釋文韋昭曰三江謂吳松江錢塘江浦陽江也吳
地記云松江東北行七十里得三江口東北入海為婁

江東南入海為東江并松江為三江

同

度仲初吳都賦注
郭璞曰岷浙

松江正義孔傳云自彭蠡江分為三入震澤遂為北江入

海鄭玄以為入于海不入震澤今南人以大江不入震

澤震澤之東別有松江等三江 史記夏本紀三江既

入注索隱曰按地理志有南江中江北江是為三江其

南江從會稽吳縣南東入海

即松江也

中江從丹陽蕪湖東

北至會稽陽羨縣東入海北江從會稽毗陵縣東北入

海故下文東為中江又東為北江孔安國云有北有中

南可知也正義吳郡東南三十里名三江口一松江

古

澤一上江

亦曰東江一下江

亦曰婁江

周禮職方氏揚州其川

三江疏江至尋陽南合為一東行至揚州入彭蠡復分

為三道入海漢地理志注師古曰三江謂北江中江

南江也震澤在吳西即具區也溝洫志於吳則通渠

三江五湖管子夏人之王外鑿二十壘濞十七湛疏

三江鑿五湖道四涇之水以商九州之高以治九藪民

乃知城郭門閭室屋之築而天下化之荀子成相禹

有功抑下鴻北決九河通十二渚疏三江淮南子舜
乃使禹疏三江五湖闢伊闕導瀍澗水經南江東北

為長瀆歷河口東南注于具區謂之五湖口東則松江

出焉謂之三江口

又曰江水奇分
謂之三江口

蘇氏曰豫章江入

彭蠡而東至海為南江岷山江之經流會彭蠡以入海

為中江漢自北入江滙于彭蠡以入海為北江三江入

海則吳越始有可宅之土而水所鍾者獨震澤而已

禹貢

正義孔意江從彭蠡分為三又共入震澤從震澤
復分為三乃入海蘇氏破其說謂安國未嘗南遊

曾

氏曰考於地志豫章之川如彭水鄱水塗水之類凡九水合於湖漢東至彭蠡入江此九水蓋南江也南江乃江之故迹非禹所導禹導漢水入焉與舊江合流而水之派分為南北故漢為北江又導岷山之江入焉其流介乎二江之中故為中江南江乃故道故經不志

夏氏取曾

說

葉氏曰漢至大別南入于江為南江與中江北江

為三 蔡氏曰庾仲初吳都賦注松江下七十里分流

東北入海者為婁江東南流者為東江并松江為三江

其地今亦名三江口吳越春秋所謂范蠡乘舟出三江之口者是也

吳越春秋以三江為浙浦陽剡

諸家各指近震澤諸江

為三江蘇氏指秣陵京口一江為三江按今大江所行以求三江猶按漢大河所行以求九河其不可得明矣山海經浙江出三天子都在其東在閩西北入海餘暨南廬江出三天子都

一曰天子郭

入江彭澤西

禹九山

禹貢九山刊乘旅注九州名山已槎木通道而旅祭

史記道九山汧及岐至於荆山正義九州之山謂汧壺口砥柱太行西傾熊耳嶓冢內方汶索隱曰岍壺口底柱太行西傾熊耳嶓冢內方岐是九山也古分為三條故地理志有南北條之荆山馬融以岍為北條西傾為中條嶓冢為南條鄭康成分四列岍為陰列西傾次陰列嶓冢為次陽列岍山一作荆正陽列禹貢正義馬融王肅皆為三條陳氏曰岍岐之列河濟所經西傾之列伊洛淮渭所經嶓冢之列漢水所經岍山之列江水所

經案孔注岍西傾雍壺口底柱冀熊耳豫嶧冢岷梁內

方荆疏太行在河內郡 山海經禹曰天下名山五千

三百七十居地六萬四千五十六里出銅之山四百六

十七出鐵之山三千六百九十管子 周語禹封崇九

山 漢溝洫志禹通九道陂九澤度九山 文選子虛

賦注張揖曰禹為堯司空辯九州名山別草木 蘇氏

曰地之有山猶人之有脉有近而不相連有遠而相屬

雖江河不能絕自蒙恬始言地脉鄭氏以為四列一行

以為兩戒

禹九川

禹貢九川滌源注九州之川

禹貢九州之水曰滌曰達曰入曰沿曰適曰至曰亂

曰滌曰達曰溢曰流曰別曰道曰被曰會曰過曰同九州之澤曰豬曰澤

益稷禹曰予決

九川距四海注決九州名川通之至海 史記道九川

弱水至于合黎注索隱曰弱黑河濬江沈淮渭雒為九

川 周語禹決汨九川 劉子見河雒而思禹功 管

子地數篇地之東西二萬八千里南北二萬六千里其

出水者八千里受水者八千里 賈誼新書禹曰鬲河而導之九牧鑿江而導之九路 治水有兩端川流畎澮轉相入以達于海使之有所歸也或不可達海則捐數百里之地因其執以為澤使之有所容也衆水皆東而弱水獨西黑水獨南因其執之不得不然行其所無事也

禹四瀆

史記湯還亳作湯誥曰古禹臯陶久勞于外其有功于

民民乃有安東為江北為濟西為河南為淮四瀆既修
民乃有居 封禪書武帝詔昔禹疏九江決四瀆 禹
貢正義四瀆江河為大河在北故先言河漢入于江故
先漢後江濟發源河北越河而南與淮俱為四瀆故次
濟次淮 江出岷山濟出王屋山河出崑崙而後至積
石淮出胎簪山而後至桐栢 酈道元謂東南地卑萬
水所湊觸地成川故川舊瀆難以為憑然則禹迹不可
考者多矣 天文五潢地圖四瀆

禹龍門山

水經又南出龍門口注魏土地記曰梁山北有龍門山大禹所鑿通孟津河口廣八十步巖際鐫跡遺功尚存岸上並有廟祠祠前有石碑三所二碑不可識一碑太和中立 史記正義龍門山在絳州龍門縣括地志云龍門在同州韓城縣北五十里其山更黃河夏禹所鑿者也龍門山在夏陽縣 禹貢正義地理志云龍門山在馮翊夏陽縣北此山當河之道禹鑿以通河東都之西

界也 吳越春秋禹周行寓內東造絕迹西延積石南
踰赤岸北過寒谷徊崑崙察六扈脉地理名金石寫流
沙於西隅決弱水於北漢青泉赤淵分入洞穴通江東
流至於碣石疏九河於滄淵開五水於東北鑿龍門關
伊闕平易相土觀地分州

禹七十川

陂塘

文選木華海賦禹乃鑿臨崖之阜陸決陂潢而相沃

注

南子曰禹有洪水之患陂塘之事

啟龍門之峯嶺壘陵巒而嶄鑿羣山

既畧百川潛渫

注周書曰禹渫七
十川大利天下

商傅巖

說命說築傅巖之野注傅氏之巖在虞虢之界通道所
經有澗水壞道常使胥靡刑人築護此道說賢而隱代
胥靡築之以供食 呂溫有銘

周九州山川 九藪 夏九藪 禹九澤

禮夏官職方氏辨九州之國使同貫利東南曰揚州其
山鎮曰會稽其澤藪曰具區其川三江其浸五湖正南

曰荊州其山鎮曰衡山其澤藪曰雲菅其川江漢其浸
潁湛河南曰豫州其山鎮曰華山其澤藪曰圃田其川
滎雒其浸波澨正東曰青州其山鎮曰沂山其澤藪曰
望諸其川淮泗其浸沂沭河東曰兗州其山鎮曰岱山
其澤藪曰大野其川河沛其浸盧維當為雷雍正西曰雍州
其山鎮曰嶽山注吳嶽也其澤藪曰弦蒲其川涇汭其浸渭
洛東北曰幽州其山鎮曰醫無閭其澤藪曰獫狝其川
河沛其浸菑時河內曰冀州其山鎮曰霍山其澤藪曰

楊紆其川漳其浸汾潞正北曰并州其山鎮曰恒山其澤
藪曰昭餘祁其川庠池嘔夷其浸涑易注鎮名山安地
德者也大澤曰藪凡九州及山鎮澤藪言曰者以其非
一曰其大者耳正義九州皆有鎮所以安地德 山師
掌山林之名川師掌川澤之名 地官土訓掌道地圖
注說地圖九州形勢山川所宜告王以施其事 澤虞
云云鄭氏注澤水所鍾水希曰藪禹貢曰九澤既陂爾雅有
八藪疏爾雅藪在釋地之篇不入釋水職方澤藪以其

有水則為澤無水則為藪禹貢九澤通畿內一州則有九爾雅云八藪除畿內一州而言案爾雅釋地有十者以周秦同在雍州秦有楊陁周有焦穫一州有二故十又爾雅秦有楊陁職方冀州有楊紆蓋異所而同名也

爾雅釋地十藪魯有大野晉有大陸秦有楊陁宋有孟諸楚有雲夢吳越之間有具區齊有海隅燕有昭余祁鄭有圃田周有焦護管子輕重戊夏人之王云云以商九州之高以治九藪周語伯禹釐改制量共之從

孫四岳佐之高高下下疏川道滯鍾水豐物封崇九山
決汨九川陂障九澤豐殖九藪汨越九原宅居九隩合
通四海 馬融傳融上廣成頌曰擎斂九藪之動物縹
縹四野之飛征注周禮職方氏掌九藪注云澤無水曰
藪 呂氏春秋九藪越之具區楚之雲夢秦之陽華晉
之大陸梁之圃田宋之孟諸齊之海隅趙之鉅鹿燕之
大昭淮南子曰秦之陽紆燕之昭余左傳四嶽三塗陽城大室荆山
終南九州之險也是不一姓 地理志注臣瓚曰汲郡

古文梁惠王發逢忌之藪以賜民

周國都山川

夏官掌固凡國都之竟有溝樹之固郊亦如之民皆有
職焉若有山川則因之注山川若穀皋河漢疏謂穀有
二陵東成臯楚國漢水以為池河為四瀆之險又齊西
有濁河皆因之為固

周岐山

選注說文曰岐山在長安西美陽縣界山有兩岐因以

名馬 周語內史過曰周之興也鶩鶩鳴於岐山 縣詩

箋周之原地在岐山之南

闕宮言大王居岐山之陽

漢志右扶風

美陽縣注岐山在西北中水鄉周大王所邑 詩譜幽

在岐山之北 史記正義括地志云岐山岐州岐山縣

東北十里

徐廣云其南有周原

周名山

詩終南注周之名山中南也 史記傳騶衍作十餘萬

言先列中國名山大川推及海外云九州各有裨海環

之有大瀛海環其外 淮南子墜形訓何謂九山會稽
泰山王屋首山太華岐山太行羊腸孟門 選注抱朴
子曰聞鄭君言道書之重莫尚於三皇文五岳真形圖
遁甲開山圖曰有巨靈胡者徧得坤元之道能造山川
出江河

孔子記山川

中庸注此孔子兼包堯舜文武之盛德而著之春秋述
天時謂編年四時具也因水土謂記諸夏之事山川之

異

秦五領

張耳傳秦北為長城之役南有五領之戍注師古曰領者西自衡山之南東窮于海一山之限耳而別標名有

五裴氏

一云裴淵

廣州記云大庾始安臨賀桂陽揭陽是為

五領鄧德明南康記曰大庾領一也桂陽騎田領二也九真都龐領三也臨賀萌渚領四也始安越城領五也

裴說

是也與地志一曰臺嶺亦名塞上今名大庾二曰騎田三曰都龍四曰萌諸五曰越嶺

漢郡縣山川 詩書山川 郡縣山川風俗

叙傳三代損益降及秦漢草創五等制立郡縣畧表山

川彰其剖判 地理志先王之迹既遠地名又數改易

是以采獲舊聞考迹詩書推表山川以綴禹貢周官下

及戰國秦漢 續志漢志記郡縣本末及山川奇異風

俗所由至矣 禹貢疏班固作漢書地理志據前漢郡

縣言山川所在

又曰地理志云禹貢北條荆山在馮翊懷德縣南南條荆山在南郡臨沮縣東

北是舊有三條之說也故馬融王肅皆為三條導岍北條西傾中條嶓冢南條鄭玄以為四列導岍為陰列西

傾為次陰列嶠家為次陽列岍山為正
陽列鄭玄創為此說孔亦當為三條也

三輔其山驪

華梁荆九夔岐汧終南敷物其川沂霸洛渭鄠滴漆杜
弦蒲汧芮褒斜弘農河東太原上黨其山熊耳雷首析
城王屋霍壺口鹿谷羊頭其川伊育澗雒汾晉丹絳昭
餘祁虜池漳沁河內至南陽七郡則有太行大騮太室
陽城高陵中陰桐柏之山淇蕩圃田瀍滎逢忌洧濮洧
潁汝澧之川南郡至常山十郡則有荆內方陪尾天柱
常山九江廬江淮肥清河沮常之川及大壑大陸雲夢

荷雷之澤清河而下齊魯燕之分也山則泰岱原蒙羽
澤之罍壺菜川則汶維岫時洙泗膠沂涑易術會稽而
下吳楚粵之境也山則歷會稽天門武林傳易九疑川
則具區三江彭蠡以至鶩漢沔之在漢中崕蒙江沱之
在蜀郡烏鼠嶓冢西傾養水之在隴西揭石無慮遼沛
沮夏之在右北平武都遼東若金城之積石天水之朱圉
長沙之衡六安之大別皆禹貢所紀之山也張掖之流
沙安定之涇武威之豬野梁之盟諸信都之絳皆禹貢

所紀之川也若考迹詩書扶風之郁夷芮阮魏之淇浚
河汾溱洧之於鄭穰之於齊則考之詩者也吳山之為
汧太一之為終南崇高之為外方章山橫尾之為內方
陪尾葛嶧傅易之為嶧陽傅淺源具區震澤之異名居
延流沙之殊稱則考之書者也奚養之澤參諸秦地之
圖鬲津淮漯絳易汶弱水訂諸平當桑欽之說其采獲
舊聞又若此繫水土之風氣謂之風隨君上之情欲謂
之俗風俗見上郡國春秋正義地理志以風為本俗為末言

聖王必移本而易末 廣谷大川異制民生其間異俗
剛柔輕重遲速異齊器械異制衣服異宜 顧豐水洛
汭而思平水之功瞻陽城中南而監恃險之失 艮兼
兌麗具載諸書 卷石勺水氣積形生 鴻濛嶭峩
漢武之世凡五嶽盡在天子之郡而不隸侯國

漢上林八川

司馬相如傳上林賦獨不聞天子之上林乎左蒼梧右
西極丹水更其南紫淵徑其北終始霸產出入涇渭鄠

鎬潦涵紆餘委蛇經營其內蕩蕩乎八川分流相背異
態東西南北馳騫往來出乎椒丘之闕行乎洲淤之浦徑
乎桂林之中過乎泱莽之壑汨乎混流順阿而下赴隘

隄之口觸穹石激堆埼云云東注太湖

郭璞曰太湖在吳縣所謂震澤

衍溢陂池注師古曰霸水出藍田谷西北入渭產水亦
出藍田谷北至霸陵入霸涇水出安定涇陽升頭山東
至陽陵入河渭水出隴西首陽縣烏鼠同穴山東北至
華陰入河張揖曰澧水出鄠南山澧谷北入渭鎬在昆

明池北潦行潦也。滴水出南山。師古曰：潦音牢，亦水名。出鄠縣西南山。潦谷北流入于渭。地理志：鄠縣有滴水。

北過上林苑入渭。

霸產涇渭澧鎬潦滴是為八川。李善注引潘岳關中記云云。亡是公言。

上林廣大川谷水泉萬物及子虛言雲夢所有甚衆。

漢河源

張騫傳：漢使使窮河源。天子案古圖書名河所出山曰崑崙，贊曰：禹本紀言河出崑崙崑崙高二千五百里，餘日月相避隱為光明。自騫使大夏之後，窮河原惡睹所。

謂崑崙者乎注鄧展曰尚書道河積石河原出于積石
在金城河關不言出崑崙也 後漢西域傳河有兩源

一出葱嶺東流一出于闐南山下北流與葱嶺河合東

注蒲昌海一名鹽澤去玉門三百餘里

前傳又云潛行地
下南出于積

石為中
國河

班固傳西邊河源注河源在崑崙山

通典

張騫實不見河源徒見兩水入蒲昌海耳吐蕃自言崑
崙在國之西南即河所出也 水經崑崙墟在西北河

水出其東北陬又出海外南至積石山下有石門河水冒

以西南流河水又南入葱嶺山其源出于闐國南山北流與葱嶺河合東注蒲昌海又西北流注于河注河水重源有三非為二也涼土異物志曰葱嶺之水分流東西西入大海東為河源禹記所云崑崙者馬張騫使大宛而窮河源謂極於此而不達于崑崙河水重源又發于西塞之外出于積石之山按山海經自崑崙至積石一千七百里

唐西域傳李靖破吐谷渾望積石覽觀河源

唐劉元鼎使吐蕃自成紀

西南出塞二千餘里得河源于莫賀延磧尾曰閼摩黎山而謂之崑崙河東南流與積石河相連隱測其地在劔南

之西

李大亮傳涉青海觀河源 史記正義括地志河州

有小積石山即禹貢浮于積石至龍門者然黃河源從西南下出大崑崙東北隅東北流經于闐入鹽澤即東南潛行入吐谷渾界大積石山又東北流至小積石山河始闡圖云黃河出崑崙東北角剛山東自北行千里折西行于浦山南流千里至文山東流千里至秦澤西流千里至潘澤陵門東北流千里至華山之陰東南流千里至下津然河水九曲其長九千里入渤海爾雅云河出崑崙虛其色

黃百里一小曲千里一曲一直 史記索隱按山海經
河出崑崙東北隅西域傳云南出積石山為中國河積
石本非河之發源河源本崑崙而潛流至于闐又東流
至積石始入中國則山海經及禹貢各互舉耳 禹貢

正義河行塞外東北入塞內積石非河之源故云河所
經河從西來至此北流故禹沿河流而北 爾雅釋文

案山海經云東望泐澤河水之所潛也圖讚云崑崙三
層號曰天柱實惟河源水之靈府 唐志賈耽吐蕃黃

河錄四卷 呂氏曰河源遠出絕域禹不窮其所至故
導河止自積石 積石雍州之山在金城西南先儒以
為河之所經則非河源明矣 導淮曰自桐柏渭曰自
鳥鼠洛曰自熊耳導河獨不言自豈非源之所自出或
未究歟

漢祁連山

霍去病傳上曰票騎將軍涉鈞耆濟居延遂臻小月氏
攻祁連山揚武乎鱒得注師古曰祁連山即天山也匈

奴呼天為祁連 叙傳西規大河列郡祁連注張晏曰

置郡至祁連山 紀元狩二年夏將軍去病公孫敖出

北地二千餘里過居延注師古曰居延匈奴中地名張掖所置居延縣以安處所獲居延人而置此縣天漢二

年夏五月貳師將軍三萬騎出酒泉與右賢王戰于天

山注師古曰即祁連山也 匈奴傳其夏票騎將軍復

與合騎侯數萬騎出隴西北地二千里過居延攻祁連

山得胡首虜三萬餘級裨小王以下十餘人 通典元

和志於張掖縣既著祁連山矣而伊西庭三州皆有此

山則是自甘張掖而西至于庭州相去三千五百里而

天山皆周徧其地亦廣長矣去病至祁連山武帝數其

功曰云云小月氏者河西四州皆是也而鯨得

地理志作鯨得

乃張掖之屬縣則此之所攻祁連者固在張掖矣至天

漢二年貳師出酒泉又擊右賢王于天山酒泉肅州也

漢八藪

嚴助傳淮南王安上書天子之兵有征無戰陛下以四

海為境九州為家八藪為囿江漢為池注師古曰八藪
謂魯有大野晉有大陸秦有陽紆宋有孟諸楚有雲夢
吳越之間有具區齊有海隅鄭有圃田

漢水經 山經水志

隋志水經三卷郭璞注

唐志桑欽三卷

舊志云郭璞撰

酈道

元注四十卷

後魏人字善長博采地志窮述水源
元好學歷覽奇書撰注水經四十卷書目

道

同李吉甫刪水經十卷

自河水至斤江水河漑汾滄

涑文原洞晉湛濟清沁淇蕩洹漳易滏聖巨馬濕沽鮑

丘瀉遼涓洛穀甘漆漑沮渭漾丹汝潁洧溧潞陰阪睢
匏子汶泗沂沭洋淄汶濰膠沔潛湍均粉白泚淮泄洧
瀝濯瀕濔涇蘄決泚泄肥施沮漳夏羌涪潼潯江青
衣桓若沫延江沅酉存温淹葉榆夷油澧沅浪資漣湘
灘溱匯深鍾耒洙澠瀏澗贛廬漸江斤江非經水常流
不在記注之限末卷載禹貢山水澤地所在凡六十
道元序曰昔大禹記著山海周而不備地理志所錄簡
而不周尚書本紀與職方俱畧 唐六典注桑欽水經

所引天下之水百三十七江河在焉

鄭善長注引枝流
一十二百五十二

漢地理志引桑欽之說於上黨曰絳水出西南於平原曰漂水所出秦山丹陽之汶水淮水敦煌郡之魚澤效穀張掖曰弱水自此至酒泉合黎中山曰易水出西北東入滄通典云水經不詳所撰者名氏亦不知何代之書經云壽張光武更名臨濟安帝更名湖陸章帝更名永安順帝更名故順帝以後纂序也詳水經所作殊為詭誕按後漢志濟水王莽時因旱渠塞不復截

河南過既順帝時所撰都不詳悉景純注解疎畧亦多
迂怪經云河出崑崙山者出於禹本記山海經云南入
葱嶺及出于闐南山者出于漢書西域傳而酈元所注
亦引禹記山經釋法顯遊天竺記釋氏西域記後代纂
錄者務廣異聞如范曄敘廩君盤鉢之類撰水經者亦
同蔚宗之旨趣

又云是和帝以後所撰

經云武侯壘又云魏興

安陽縣注云諸葛武侯所居魏分漢中立魏興郡又改
信都從長樂則晉太康五年事也然則非後漢人所撰

隋志不言桑欽晁志云漢桑欽撰成帝時人

前儒林傳古文

尚書塗暉授河南桑欽君長

漢地理志注文選注史記正義引水

經

後漢注引水經注

後漢蠻夷傳論漢氏征伐戎

狄云云著自山經水志者亦畧及焉

隋志有僧道安

四海百川水源記一卷

漢雍州山川

又見羣祀

西都賦漢之西都在於雍州實曰長安左據函谷二嶠之阻表以太華終南之山右界褒斜隴首之險帶以洪

河涇渭之川睇秦嶺賊北阜挾澧灃據龍首 溝洫志
左右內史地名山川原甚衆 水經注潘岳關中記曰
關中有涇渭灃澹鄠鄩漆沮之水

漢太一山

西京賦於前則終南太一隆崛崔嵬隱赫鬱律連岡乎
嶓冢抱杜含鄠欲澧吐鎬注漢書曰太一山古文以為
終南五經要義曰太一一名終南山在扶風武功縣蓋
終南南山之總名太一一山之別號耳 選注引班固

終南山賦

蜀二江

漢溝洫志於蜀則蜀守李冰鑿離堆避沫水之害穿二江成都中蜀志秦宓曰蜀有汶阜之山江出其腹帝以會昌神以建福故能沃野千里淮濟四瀆江為其首此其一也禹生石紐今之汶山郡是也禹疏江決河東注於海為民除害功莫先者此其二也天帝布治房星決政參伐參伐則益州分野三皇乘祗車出谷口今之

斜谷是也 蜀都賦帶二江之雙流 水經注沫水自

蒙山至南安而溷崖水脉漂疾害舟船李冰發卒鑿平

溷崖

即離畢

通正水路開處即冰所穿也

風俗通秦昭

王使冰為蜀守開成都兩江溉田萬頃 狄遵度鑿二

江賦

唐十道名山大川

地理志太宗因山川

舊志云山河形便分天下為十道會要云關河

貞觀元年三月十日 一曰關內道其名山太白九峻吳岐梁華其

大川涇渭灞滻二曰河南道其名山三嶠少室砥柱蒙

嶧嵩高太岳

六典嵩
岱二岳

其大川伊洛汝潁沂泗淮濟三曰

河東道名山雷首介霍五臺

六典
崑崙山

其大川汾沁丹潞

六典

汾晉
丹沁

四曰河北道其名山林慮白鹿封龍井陘碣石常

岳其大川漳淇呼沱五曰山南道其名山嶓冢熊耳銅

梁巫荆峴

六典
巫峽

其大川巴漢沮洳六曰隴右道其名山

秦嶺隴坻烏鼠同穴朱圉西傾積石合黎崆峒三危其

大川河洮弱羌休屠之澤七曰淮南道其名山瀟天柱

羅塗八公

六典又有
大別霍山

其大川滌肥巢湖八曰江南道名

山衡廬茅蔣天目天台會稽四明括蒼縉雲金華大庾

武夷其大川湘贛沅澧浙江洞庭彭蠡太湖九曰劔南

道其名山岷峨青城鶴鳴其大川江涪雒西漢十曰嶺

南道其名山黃嶺靈洲其大川桂鬱 天寶五載正月

詔天下山水名稱或同義且不經多因里諺令所司據

圖籍改定 水經注劉澄之著永初山川記

唐山河兩戒

唐天文志李淳風漢書度數而一行以為天下山河之

象存乎兩戒

漢天文志元封中星守于河戒占曰南戒為越門北戒為胡門又星傳月入牽牛南

戒又曰積薪在北戒西北積水在北戒東北

北戒自三危積石負終南地絡

之陰東及太華逾河並雷首底柱王屋太行北抵常山之右乃東循塞垣至濊貊朝鮮是謂北紀所以限戎狄也南戒自岷山嶓冢負地絡之陽東及太華連商山熊耳外方桐柏自上洛南逾江漢攜武當荆山至于衡陽乃東循嶺徼達東甌閩中是謂南紀所以限蠻夷也故

星傳謂北戒為胡門南戒為越門河源自北紀之首循
雍州北徼達華陰而與地絡相會並行而東至太行之
曲分而東流與涇渭濟瀆相為表裏謂之北河江源自
南紀之首循梁州南徼達華陽而與地絡相會並行而
東及荆山之陽分而東流與漢水淮瀆相為表裏謂之
南河故於天象則弘農分陝為兩河之會五服諸侯在
焉自陝而西為秦涼北紀山河之曲為晉代南紀山河
之曲為巴蜀皆負險用武之國也自陝而東為成周宋

鄭陳蔡邕衛申隨皆四戰用文之國也北紀之東至北
河之北為邢趙南紀之東至南河之南為荆楚自北河
下流為三齊北燕自南河下流為鄒魯吳越皆負海之
國貨殖之所阜也自河源循塞垣北東及海為戎狄自
江源循嶺徼南東及海為蠻越觀兩河之象與雲漢之
所始終而分野可知矣自南正達於西正得雲漢升氣
為山河上流自北正達于東正得雲漢降氣為山河下
流堰皆在雲漢升降中居水行正位故其分野當中州

河濟間星紀得雲漢下流百川歸焉析木為雲漢末派
山河極焉斗杓謂之外廷以治外故鶉尾為南方負海
之國斗魁謂之會府以治內故姬訾為中州四戰之國
其餘列舍在雲漢之陰者八為負海之國在雲漢之陽
者四為四戰之國降婁玄枵負東海歲星位焉星紀鶉
尾負南海熒惑位焉鶉首實沈負西海太白位焉大梁
析木負北海辰星位焉鶉火大火壽星豕韋為中州鎮
星位焉以七宿之中分四象中位自上元之首以度數

紀之而著其分野其州縣雖改隸不同但據山河以分

爾

七國甘石分十二分野
張衡蔡邕以配漢州縣

史記正義南河北河三星

分夾東井南河為南戒一曰陽門亦曰越門北河為北

戒一曰陰門亦曰胡門兩戒間三光之常道也

朝鮮之
拔星菲

于河
界

禹貢正義地理志云禹貢北條荆山在馮翊懷

德縣南南條荆山在南郡臨沮縣東北是舊有三條之

說後漢天文志注星經曰歲星主泰山徐青兗州熒

惑主霍山揚荆交州鎮星主嵩高山豫州太白主華陰

山涼雍益州辰星主常山冀幽并州玉衡九星主六十
郡九州第一星主徐凡五郡二主益凡七郡三主冀八
郡四主荆五郡五主兗八郡六主揚六郡七主豫五郡
八主幽八郡九主并八郡 周禮保章氏疏春秋緯文
耀鉤云布度定記分州繫象華岐以西龍門積石至三
危之野雍州屬魁星大行以東至碣石王屋砥柱冀州
屬樞星三河雷澤東至海岱以北兗州青州屬機星蒙
山以東至南江會稽震澤徐揚之州屬權星大別以東

至雷澤九江荊州屬衡星荆山西南至岷山北嶠烏鼠梁
州屬開星外方熊耳以至泗水陪尾豫州屬搖星此九州
屬北斗星有七州有九但兗青徐揚并屬二州故七星主
九州也 李吉甫郡縣志序天漢萌而兩戒分南宮正
而五均敘 崇文總目開元分野圖一卷

唐天下水泉

六典水部掌天下川瀆陂池之政令以尊達溝洫堰決河
渠凡天下水泉三億三萬三千五百五十有九其在遐

荒絕域殆不可得而知矣其江河自西極達於東溟中

國之大川也其餘百三十有五是為中川

桑欽水經所引天下之水

百三十七
江河在焉

其千二百五十有二水斯為小川

鄺善長注水經引其

支流一千二
百五十二

若渭洛汾濟漳淇淮漢皆亘達方域通濟

舳艫徙有之無利于生人凡水有溉灌者碾磴不得與
爭其利仲春通溝瀆立隄防孟冬而畢凡用水自下始

舊史
同

唐駐蹕山

見紀功類 敬播從太宗伐高麗而帝名所戰山為駐蹕播謂人曰鑿與不復東矣所以名蓋天意也其後果然

呂氏春秋九山會稽太山王屋首山太華岐山太行羊腸孟門六川河水赤水遼水黑水江水淮水 山海經

五藏山經五篇大凡一萬五千五百三字 後漢書注尸

伎作書二十篇一篇言九州險阻水泉所起

十九篇陳道德仁義

之紀唐吳均天柱觀記太史公稱太荒之內名山五千

其在中國有五岳作鎮羅浮括蒼華十山為之佐命其餘不可詳載

鄭樵曰州縣之設有時而更山川之形千古不易所以禹貢分州必以山川定經界使兗州可移而濟河之兗不能移使梁州可遷而華陽黑水之梁州不能遷是故禹貢為萬世不易之書後之為史者主於州縣故州縣移易而其書遂廢矣

戶口

民數為國之本庶事所自出以分田里令貢賦造器用
制祿食起田役作軍旅國以建典家以立度五禮用
脩九刑用措今之為政戶口漏於國版夫家脫於聯
伍姦心生而偽端作嚴刑峻令不能救

禹民口 周民口

後郡國志注帝王世紀禹平水土為九州民口千三百五
十五萬三千九百二十三人周公相成王致治刑錯民口
千三百七十一萬四千九百二十三人多禹十六萬一千

人周之極盛也

地十倍而民居其一故殺有餘而地力不耗

東遷三十餘載

至齊桓公二年周莊王十三年五千里內非天王之御
自世子公侯以下至於庶民凡千一百八十四萬七千
人定受田者九百萬四千人至于戰國蘇張計秦及山
東六國戎卒尚踰五百餘萬推民口數當千餘萬通典同

周民數

禮天官小宰聽閭里以版圖

注戶籍地圖 宮伯注鄭司農云今時鄉戶籍謂之

版戶司書掌邦中之版知田野夫家之數 地官大司徒

掌人民之數小司徒掌四郊都鄙夫家九比之數頒比
灋於六鄉大夫各登其鄉之衆寡以歲時入其數均土
地稽人民周知其數三年大比鄉師以國比之灋稽夫
家衆寡鄉大夫以歲時登其夫家之衆寡以歲時入其
書閭師掌國中及四郊之人民之數以任其力縣師辨
夫家人民田萊之數媒氏男女成名以上書年月日名
春官天府祭天之司民獻民數則受而藏之 夏官

大司馬簡稽鄉民以用邦國

簡比數之
稽計也

司士周知邦

國都家縣鄙之數職方氏辨人民財用九穀之數要

秋官小司寇大比登民數自生齒以上登天府孟冬祀
司民獻民數於王王拜受之以圖國用進退之鄉士遂
士縣士各掌其民數而糾戒令司民登萬民之數自生
齒以上皆書於版三年大比以詔司寇孟冬祀司民之
日獻數于王王拜受之登于天府內史司會冢宰貳之
小行人萬民利害為一書康樂和親安平為一書禮
記內則子生三月父名之宰書而藏之告閭史閭史書

為二其一藏閭府一獻州史州史獻州伯州伯命藏州
府管子太史既布憲入籍于太府周語宣王三十
九年料民太原仲山父曰王治農于籍蒐于農隙耨穫
亦于籍獮於既烝狩於畢時是皆習民數者也漢高
紀五年五月詔民相聚保山澤不書名數注名數謂戶
籍也石慶傳元封四年關東流民二百萬口無名數
者四十萬注師古曰名數若今戶籍孔霸傳子福還
名數於魯

漢提封戶口

見墾田

郡國志注

晉志通典頗不同注為一作

帝王世記曰孝惠

文景與民休息民衆大增至于孝平元始二年民戶千

三百

一作二百

二十三萬三千六百一十二

一作六十二

口五千

九百一十九萬

一作五十九萬

四千九百七十八人多周成王

四千五百四十八萬五十五人漢之極盛也光武中元

二年民戶四百二十七萬千六百三十四口二千一百

萬七千八百二十人迄于孝和民戶滋殖至孝桓頗增

於前永壽二年

晉志云三年

戶千六百七萬九百六

一作九百六十

口五十六萬

一作五十六萬四千八百

六千八百五十六人魏景元

四年與蜀通計民戶九十四萬三千四百二十三口五

百三十七萬二千八百九十一人又案正始五年吳所

領兵戶凡十三萬二千但其民數不能多蜀矣昔漢永

和五年南陽戶五十餘萬汝南戶四十餘萬方之於今

三帝鼎足不踰二郡自禹至今二千餘載六代損益備

於茲焉志云至于孝順民戶九百六十九萬八千六

百三十口四十九百一十五萬二百二十注應劭漢官
儀曰永和中戶至千七十八萬口五千三百八十六萬
九千五百八十八又帝王世紀永嘉二年戶則多九十
七萬八千七百七十一口七百二十一萬六千六百三
十六未詳孰是伏無忌所記每帝最戶口及墾田大數
先武中元二年戶四百二十七萬九千六百三十四口
二十一百萬七千八百二十明帝永平十八年戶五百
八十六萬五百七十三口三千四百一十二萬五千二

十一章帝章和二年戶七百四十五萬六千七百八十
四口四千三百三十五萬六千三百六十七和帝永興
元年戶九百二十三萬七千一百十二口五千三百二
十五萬六千二百二十九安帝延光四年戶九百六十
四萬七千八百三十八口四千八百六十九萬七百八
十九順帝建康元年戶九百九十四萬六千九百十九
口四千九百七十三萬五百五十 循吏傳王成為膠
東相流民自占八萬餘口

師古曰謂自隱度其戶口而著名籍也

黃霸為

潁川太守戶口歲增 元帝紀建昭二年三月戶十二萬為大郡 陳平傳高帝顧問御史曲逆戶口幾何對曰始秦時三萬餘戶間者兵數起多亡匿今見五千戶 隋志漢平帝戶一千二十三萬

漢戶籍

禮司會注版戶籍也疏漢之戶籍皆以版書之 宮伯注鄭司農云今時鄉戶籍謂之戶版 漢高紀注名數謂戶籍也 石慶傳注名數若今戶籍 仲長統傳明

版籍以相數閱審什伍以相連持 秦獻公十年初為
戶籍相伍始皇十六年初令男子書年

晉戶口

晉志劉備章武元年戶二十萬口九十萬孫權赤烏五

年戶五十二萬二千口二百四十萬

通典魏平蜀得戶二十八萬口九十

四萬時魏氏惟有戶六十六萬三千四百二十三口有四百四十三萬二千八百八十一

晉武太康

元年平吳

收其圖籍戶五十三萬吏三萬五千兵二十三萬口二百三十萬

大凡戶二

百四十五萬九千八百四十口一千六百一十六萬二

千八百六十三

此晉之極盛也

傅咸傳上書曰禹分九州今

之刺史幾向一倍戶口比漢十分之一而置郡縣更多

咸寧五年

哀帝紀興寧二年正月庚戌朔大閱戶人嚴法

禁稱為庚戌制 宋書州郡志以太康元康定戶互考

隋志晉太康之後文軌方同編戶二百六十餘萬 魏

志注案晉太康三年地紀晉戶有三百七十萬吳蜀戶

不能居半 太平御覽晉令曰郡國諸戶口黃籍籍皆

用一尺二寸札已在官役者載名 隋經籍志地理類

元康六年戶口簿記三卷 通典宋孝武大明八年戶

九十萬六千八百七十口四百六十八萬五千五百一

陳氏威力所加不出荆揚之域州有四十二郡唯一百

九縣四百三十八戶六十萬後齊戶三百三萬隋大業

二年志云五年戶八百九十萬七千五百三一作四十六口四

千六百一萬九千九百五十六隋氏之盛極於此隋志同

南史荆揚二州戶口居江南之半江左以來揚州為根

本委荊州以閩外 隋書大業五年諸郡計帳進丁二

十四萬三千新附口六十四萬一千五百 南齊書太

祖命黃門郎虞玩之等檢定黃籍

建元二年詔朝臣曰黃籍民之大紀國之

治端虞玩之上表曰元嘉中光祿大夫傅隆年出七十猶手自書籍躬加隱校

後魏書太和

十年二月甲戌初立黨里鄰三長定民戶籍 蘇綽傳

綽始制文案程式朱出墨入及計帳戶籍之法

唐開元戶部帳 戶籍科品 州縣籍

通鑑開元十四年五月癸卯戶部奏今歲戶七百六萬

九千五百六十五口四千一百四十一萬九千七百一

二十六年十二月是歲制戶籍三歲一定分為九等

會要十八年十一月敕戶籍三年一造鄉別為卷總寫三通定為九等二十九年二月敕造籍令州縣長官錄事參軍勘覆為兩本送戶部武德令三萬戶已上為上州五十戶以上為上縣量戶口定州縣等第永徽顯慶開元更地理志開元二十八年戶部帳戶八百四十易不一

一萬二千八百七十一口四十八百一十四萬三千六

百九

詳見來訪使

會要武德六年三月令天下戶量資產

定為三等九年三月二十四日詔為九等永徽五年二月八日敕二年一定戶貞元四年正月詔兩稅審定等第

三年一定為常式

定戶等第

武德六年三月令每歲一造帳

三年一造籍儀鳳二年二月二十四日敕裝潢省籍及

州縣籍天寶三載二月二十五日制天下籍造四本京

師東京尚書省戶部各貯一本十二載正月十二日敕

東京停

籍帳

大中九年閏四月以州縣差役不均每縣

作差科簿送刺史書訖鎖於令廳

闕

證聖元年李嶠上

表曰天下流散非一宜令御史督察設禁令以防之垂

恩德以撫之施權衡以御之為制限以一之

逃戶

建中元

年十二月定天下兩稅戶凡三百八十萬五千七十六

戶口貞元三年五月詔諸州戶口減耗三分去二亦合

省官元和二年十二月李吉甫等撰元和國計簿十卷

見定戶二百四十四萬二百五十四五道七十一州

不申戶口數率以兩戶資一兵雜錄六典天下之戶定為九等

定戶以仲年造籍以季年州縣籍留五比省籍留九比

通鑑武德四年九月己卯詔括天下戶口列傳楊瑒為戶部侍郎玄宗嘗

召宰相大臣議天下戶版延英殿瑒言利病尤詳崔

璿為澧州刺史增戶數萬詔進五階以寵異政 楊炎
為相初定令有租賦庸調法自開元承平久不為版籍
而戶部歲以空文上之天寶中王鉷為戶口使以籍存
而丁不在乃按舊籍除當免者積三十年責其租庸炎
疾其敝請為兩税法戶無主客以見居為簿人無丁中
以貧富為差歲終以戶賦增失進退長吏天下利之版
籍不造而得其虛實 李方玄為池州刺史鉤檢戶籍
差量徭賦皆有科品條章吏不得私常曰沈約年八十

手寫簿書蓋為此云

唐歷代戶口數

會要貞觀二十年太宗問民部侍郎盧承慶歷代戶口

多少之數承慶叙夏殷迄周隋皆有依據貞觀初戶不滿二百萬

永徽三年七月二十二日丁丑通典云元年上問戶部尚書

高履行去年進戶多少奏進戶一十五萬因問隋有幾

戶奏隋開皇中戶八百七十萬今戶三百八十萬永徽去大

業末三十六年武顯慶二年十月上幸許汝州問中書

德初二百餘萬戶

令杜正倫曰隋有幾戶奏如前開元九年正月二十八日
御史宇文融請檢察逃戶二月乙酉詔作招携法丁亥
融充使奏置勸農判官長安尉裴寬等二十九人並攝
御史分往天下檢責田疇招携戶口皇甫景揚相如上
疏以為煩擾不便寬等使還得客戶八十餘萬田亦稱
是十二年八月融除中丞充安輯戶口使二十年戶七
百八十六萬一千二百三十六口四千五百四十三萬
一千二百六十五天寶元年戶八百三十四萬八千三

百九十五口四千五百三十一萬一千二百七十二十四
載戶八百九十一萬四千七百九口五千二百九十一
萬九千三百九此唐之極盛也 通典自武德初至天

寶末凡百三十八年可以比崇漢室而人戶纔比於隋

氏

天寶中編戶九百餘萬肅宗乾元三年見到帳百六十九州戶百九十三萬三千一百三十四至大曆中

唯有百三十萬戶建中初命黜陟使往諸道按比戶口得主戶百八十餘萬客戶百三十餘萬共三百二

十萬 六典凡天下之戶八百一萬八千七百一十口四千六百二十八萬五千二百六十一開元二十二年

數

建隆版籍 至道版籍式 天禧計帳

元年十月有司請據諸道版籍數升降天下縣望以四
千戶以上為望三千戶以上為緊二千戶以上為上千
戶以上為中不滿千戶為中下仍三年一責戶口之籍
別定升降從之凡縣望五十戶二十八萬一千六百七
十緊六十七戶二十二萬八千六百九十三上縣八十
九戶二十萬八千二百八十中縣一百一十五戶一十
七萬九千三十中下縣一百十戶五萬九千七百七十

總九十六萬七千五百五十三戶此國初版籍之數也

曾鞏曰太祖元年有州一百一十一縣六百三十戶九十八萬七千三百五十三年末年州二百九十七縣一千八百六十九戶二百五十五萬

八千九百六十五

乾德元年

即建隆四年

十月庚辰詔天

下造版籍及戶帖戶鈔

詔曰蕭何入關先取圖書沈約為吏手寫簿書

十二月

初置形勢稅簿至道元年六月己卯詔重造天下郡縣

二稅戶口版籍敬其式於天下景德二年五月度支判

官黃世長請令三司歲較耗登以聞 興國二年閏七

月丁巳有司上諸州所貢閏年圖故事天下貢地圖版

籍以閏為限咸平五年四月壬午詔三司以天下戶口

數置籍較定以聞景德四年七月

實錄
丙子

三司使丁謂言

景德三年新收戶三十三萬二千九百九十八流移者

四千一百五十總七百四十一萬七千五百七戶一千

六百二十八萬二百五十四口比咸平六年增五十五

萬三千四百十戶三百萬二千二百十四口賦入總千

三百七十三萬一千二百二十九貫石匹斤比咸平六

年增三百四十六萬五千二百九十請以咸平六年戶

口賦入為額歲校其數上史館從之祥符二年六月乙酉
放招携戶口旌賞條制天禧二年六月丙辰三司言每歲
帳籍省九萬餘道三十四萬五千二百餘紙詔三司諸路
計帳毋得增益以滋煩擾天聖元年十一月詔閏年所供
實行版簿空文煩擾宜停之止以空行版簿催科明道二
年十月庚子詔天下閏年造五等版簿先錄示之不實
者聽民自言 皇祐元年四月丁亥右司諫錢彥遠上
勸農疏曰唐開元戶八百九十餘萬而定墾田一千四

百三十餘萬頃今國家戶七百三十餘萬而定墾田二百一十五萬餘頃逃廢之田不下三十萬頃是田疇不闢游手多也宜置勸農司以墾田頃畝戶口陂塘山澤溝洫桑柘著籍歲終轉運考較賞罰之上嘉納

開寶形勢版簿

四年正月詔諸州置形勢版簿熙寧四年四月曾孝寬奏罷之

七月九日

尋以產稅錢均定免役錢併罷五等戶簿

五年六月一日

今州縣版簿皆保甲簿也自以保甲催科而民

始大困

寶元歷代戶數

寶元二年正月壬寅編修院與三司上歷代天下戶數前
漢千二百二十三萬三千六十二後漢千六百七萬七千
九百六十魏九十四萬三千四百二十二晉二百四十
五萬九千八百宋九十六萬六千八百七十後魏二百
三十七萬五千三百六十八北齊三百三萬二千五百
二十八後周三百五十萬隋八百九十萬七千五百三

十六唐九百六萬九千一百五十四太祖朝二百五十
萬八千九百六十五太宗朝三百五十七萬四千二百
五十七真宗朝八百六十五萬九千七百九十九寶元
元年一千一十一萬四千二百九十先是上御通英閣
讀正說養民篇見歷代戶口登耗之數顧謂侍臣曰今
天下民籍幾何梅詢對曰先帝所作蓋謂恭儉有節則
戶口充羨賦斂無度則版籍衰減自五代之季生齒彫
耗太祖受命而太宗真宗繼聖承祧休養百姓今天下

戶口倍於前矣因詔三司及編修院檢閱以聞至是上
之是歲天下主戶六百四十七萬九百九十五口千四
百三十九萬九千九百五客戶三百七十萬八千九百
九十四口六百十九萬五千四百二 英宗治平三年
天下戶一千二百九十一萬七千二百二十一口二千
九百九萬二千一百八十五 神宗元豐六年戶一千
七百二十一萬一千七百十三口二千四百九十六萬
九千三百 哲宗元祐六年戶一千八百六十五萬五

千九十三口四千一百四十九萬二千三百一十一

徽宗大觀二年戶增十二萬四千一百七十三口十九

萬二千四十六 高宗紹興三十二年戶一千一百十

三萬九千八百五十四口三千三百一十一萬二千三

百二十七 孝宗乾道元年戶一千一百七十萬五千

六百六十二口二千五百十七萬九千一百七十七

光宗紹熙元年戶一千二百三十五萬五千八百口二

千八百五十萬二百五十八

嘉祐戶口

國史志天禧末天下戶六百三萬九千三百三十一而
客戶不預焉嘉祐八年合主客戶一千二百四十六萬
二千三百十一口二千六百四十二萬一千六百五十
一治平三年戶增四十五萬四千九百一十口增二百

六十七萬五百三十四

開寶末天下戶三百九萬五千四百三十三萬二千

五百七十六天禧末戶六百三萬九千三百三十一客戶不預

役出民乾興初始立

限田法自是數下詔督州縣長吏與轉運使議蠲冗役

以寬民力景祐中稍欲寬里正牙前之法命三司議慶
厯中下令京東西河北陝西河東裁損役人皇祐中韓
絳蔡襄論江南福建之弊絳請行鄉戶五則之法襄請
以產錢多少定役重輕至和中命與三司置司參定因
行五則法時益欲去民疾苦置寬卹民力司遣使四出
自是州縣力役多所裁損凡省二萬三千六百二十二人
鄉五家為比五比為閭四閭為族五族為黨五黨為
州五州為鄉遂五家為鄰五鄰為里四里為鄣五鄣為

鄙五鄙為縣五縣為遂軍五人為伍五伍為兩四兩為

卒五卒為旅五旅為師五師為軍井牧九夫為井四井

為邑四邑為丘四丘為甸四甸為縣四縣為都古不料民而知

其多少所謂易以知險簡以知阻也掌二十五家閭齊里宰掌百家族師鄩長掌五

百家黨正郵師掌二千五百家州長掌萬二千五百家鄉師鄉大夫

夫鄉士遂人遂尚書大傅古者處師八家而為鄰大夫遂師遂士

三鄰而為朋三朋而為里五里而為邑十邑而為都十

都而為師州十有二師焉家不盈三口者不朋由命士

以上不朋

洛誥 或云黃帝法

鷩冠子五家為伍十伍為里四

里為扁扁為之長十扁為鄉其上為縣為郡 周書大

聚云五戶為伍以首為長十夫為什以年為長王若欲

來天下之民先設其利而民自至譬若冬日之陽夏日

之陰不召而民自來 中論民數篇先王制六鄉六遂

之法所以維持其民也 陸贄曰古之王者設井田之

法以安其業立五宗之制以綴其恩猶懼其未也又教

之族墳墓敬桑梓因人之志定人之居又督以出鄉遊

情之禁糾以版圖比閭之方 通典曰古之為理在周
知人數乃均其事役周官有比閭族黨鄉遂之制維持
其政綱紀其人孟冬獻民數于王王拜受之其敬之守
之如此其重也及理道乖方版圖脫漏人如鳥獸飛走
莫制家以之乏國以之貧

縣

縣萬戶以上為令子國也千戶為長男國也

黃恭云

周百縣

說文周制天子地方千里分為百縣縣有四郡故春秋傳曰上大夫受縣下大夫受郡是也至秦初置三十六郡以監其縣 史記正義引風俗通云同上 陳氏曰周官有在鄉之縣有在遂之縣有閒田之縣故王畿謂之縣

漢聞喜縣

志河東郡聞喜故曲沃秦改為左邑武帝元鼎六年行過更名

漢復嘉縣

志河內郡獲嘉故汲之新中鄉武帝行過更名

見前

本

朝天聖四年以懷州獲嘉隸衛州

漢新豐縣

志京兆新豐秦曰驪邑高祖七年置應劭曰大上皇思東歸高祖改築城寺街里以象豐徙豐民以實之故號新豐 潘岳西征賦摹寫舊豐制造新邑故社易置粉

榆遷立街衢如一庭宇相襲

注引三輔舊事西京雜記

漢破羌縣

志金城郡破羌縣神爵二年置

晉懷德縣

元帝紀太興三年七月丁亥詔先公武王先考恭王臨
君琅邪四十餘年惠澤加百姓遺愛結人情朕創基江
表兆庶宅心緜負子來琅邪國人近有千戶在此今立
為懷德縣統丹陽郡優復之科一依漢氏沛及南頓故

事

成帝咸康元年
立南琅邪郡

唐平陸縣

見銘類

唐明堂縣

見明堂

會要京兆府萬年縣總章元年析置明堂縣以鄧暉為
令長安二年六月二日廢涇州鶉觚縣天寶元年八月
二十四日改為靈臺縣河南府河南縣垂拱二年改為
合宮縣神龍元年正月復舊紀總章元年二月己卯
分長安萬年置乾封明堂二縣分理於京城之中

太平興國平晉縣

九域志建隆二年以太原府晉陽縣建平晉軍興國四

年廢為平晉縣

太原府初降為州
嘉祐四年復為府

大中祥符奉符縣

元年十月丁未法駕入乾封縣奉高宮辛亥享天於圜


臺太祖太宗並配壬子祭地祇禪社首癸丑御朝覲壇

受朝賀大赦改乾封縣為奉符縣

兗州

慶歷中范仲淹執政謂天下縣多故役蕃而民瘠首廢

河南府諸縣欲以次及他州當時以為非是未幾悉復
風俗通周禮百里曰同所以獎王室協風俗 尚書大
傳五里為邑 春秋正義周禮四甸為縣縣方二十里
周書作雒篇千里百縣方千里者為方百里者百縣方
百里則出車百乘晉有四十縣道守四千乘是縣別有
百乘與作雒之言合



玉海卷二十